

淵

穎

集

五






133522

集 穎 淵

(五)



撰 萊 吳

淵穎集卷八

二月六日雨書都城舊事

燕南趙北吹黃塵。

〔後漢書〕公孫瓚時謠言曰燕南陲趙北際中央不合大如礪。惟有此中可避世。〔徐陵答東海太守書〕燕南趙北地角天涯。

九天宮闕生紫雲。

〔呂氏春秋〕天有九野東方蒼天東南

方陽天南方炎天西南方朱天西方顛天西北方幽天北方支天東北方變天中央鈞天。

十二門開衢路直。

〔大金國志〕都城四圍凡七十五里城門十二每一面分三門其正門四傍又設兩門正東曰宣曜陽春施仁正西曰灝華麗澤彰義

正南曰豐宜景風端禮正北曰通元會城崇智內城門在外。〔周禮〕天子十二門通十二子也。〔班固西都賦〕立十二之通門。

畫輪驄馬多行客。歲寒殿外柳纒青。金水河邊水尙

白。金水河解見送俞子琦。

雞人傳漏放曉朝。

〔周禮〕雞人夜呼且以詔百官。〔漢官儀〕宮中不得畜雞衛士候於朱雀門外傳雞唱。〔唐制〕率更掌漏刻五五令相次爲二十五點。〔張衡渾天儀制〕以銅爲器實以清水

下各開孔以玉虬吐漏水入兩壺。〔南史〕陳文帝每雞人伺漏傳籤於殿中者令投籤於階石上。鎗然有聲云吾雞得眠亦令驚覺。

文石分班押百僚。

文石解見觀張循王戰處。

南陽近親最舞蹈。

〔後漢書〕光

武詔州郡檢覈舉田戶口時州郡各遣使奏事見陳留吏牘上有書云潁川弘農可問河南南陽不可問帝詰吏繇時皇子東海公陽年十二對曰河南帝城多近臣南陽帝鄉多近親田宅驗制不可爲準。

京兆耆舊爭歌謠。

〔前漢書〕武帝以右

扶風左馮翊京兆尹爲三輔治長安城中〔按志〕今陝西西安府 教坊供奉飾玉女 解見樓彥珍北游 鐘能鐘聲鼓能鼓錦來西蜀被玄駝 〔水經注〕夷里道西故錦官也言

織工織錦則濯之江流而錦至鮮明濯以江沱則色弱矣 〔益州記〕錦城在益州南笮橋東流江南岸昔蜀時故錦官也〔蜀都賦〕百室離房機杼相和貝錦斐成濯色江波〔杜甫詩〕駝背錦模糊〔注〕言駝背負物以錦帕蒙之 肉出大官冷

猛虎 〔通典〕光祿領大官珍羞良醞掌醢等四署 初日扶桑稍照人內筵錫燕杏花春水犢駢牲泰時祀 記牲用駢尙赤也用犢貴誠也〔漢書武帝紀〕元鼎五年立

泰時於甘泉 天子親郊見 鸞旗翠蓋驪山巡 〔長安志〕開元後玄宗每歲十月幸溫湯歲盡而歸〔寰宇記〕溫湯在驪山下〔雍錄〕驪山溫泉秦漢隋唐皆常游幸惟玄宗特修宮殿包裹一山而繚牆周徧其外 東風萬里

飄寒雨我昔所聞今不睹快然呼酒擊酒壺茂陵徐生曾上書 〔前漢霍光傳〕初霍氏奢侈茂陵徐福上疏言宜以時抑制其權及霍氏誅滅而告霍氏者皆封人爲福上

書帝帝迺賜福帛十疋後以爲郎

送楊文仲典史歸餘姚 〔按〕志餘姚屬浙江紹興府

楊君東去山龍從 〔司馬相如上林賦〕崇山巖巖龍從崔巍〔注〕山高峻貌韻音聾從音疎 白髮三年餘種種 〔左傳〕齊盧蒲癸曰余髮如此種種矣余奚能爲子雅曰彼其髮短而心甚長其或寢處我

矣 我來相送出江郊飛絮撲舟煙霧重回思始見色可挹豈恨屢往門能踵芙蓉映幕雲氣生 芙蓉葦解見登臥龍山

苜蓿分盤日光動。

〔唐詩紀事〕薛令之，閩之長溪人。及第，遷大庶子。開元中，東宮官僚清淡，令之題詩，自悼曰：朝日上團團，照見先生盤。盤中何所有，苜蓿長闌干。飯澁時難縮，羹稀筋易寬。無以謀朝夕，何由保歲寒。上幸東宮覽之，索筆題其

傍曰：啄木口嘴長，鳳凰羽毛短。若嫌松桂寒，任逐桑榆煖。令之遂謝病歸。

信知邑令頗清淨。

〔前漢書〕曹公爲齊相，蓋公爲言治道貴清淨，而民自定。參乃避正堂以舍之，用其言，齊國安集。

疇謂民塵極單要。

〔唐書宋務光傳〕公私

要竭戶口，減耗，雙方勇切。

芳春有景僅桑麻，儉歲無秋徒結總。

〔書〕若農服田力穡，乃亦有秋。〔又〕百里賦納總，二百里納程，三百里納結，四百里粟，五百里米。〔注〕禾本全曰總，半

藁去皮。

曰結。徵科得考寧敢問。

〔通鑑〕唐陽城爲道州刺史，治民如治家，賦稅不登，觀察使數加諄讓，城自署其考曰：撫字心勞，徵科政拙，考下下。

案牘持平終不壅，間因武具治救。

鍛。穀音聊，解見應仲章書至。

恆啓刑書甦桔拳。

〔書〕明啓刑書胥占。〔周禮〕掌囚上罪，桔拳而桎。〔注〕桔，手械，桎，足械也。〔說文〕拳，兩手同械也。音拱。

惟其巽入混瑕垢。

〔易〕巽入也。〔左傳〕

瑾瑜匿瑕。

國君含垢，直以優游傲榮寵。

〔詩〕優哉游哉。

素鷗久蓄衣共潔。

〔謝靈運雪賦〕白鷗失素。

瘦馬多騎骨尤聳。

〔杜甫瘦馬行〕東郊瘦馬使我傷，骨節硃兀

如堵牆，絆之欲動轉欹側。此豈有意仍騰驪。

更生潤澤鮮好也。音選。〔又〕鳥獸駝毛。

香凝圖書居自閑，味絕葷羶食非冗。且將厚本植根莖，何況推仁完毳毼。

〔書〕鳥獸毛毼。〔注〕毛落

〔注〕生奕，毳細毛，以自溫，音而喘反。

嗟哉世事更變化，眼識兒郎盡珪瑋。臯比擁座早私淑。

〔左傳〕蒙臯比而先犯之。〔注〕臯比

也。虎皮。

筆墨專場乃真勇，劍馳梁宋或操鐔。

〔莊子〕莊子見趙文王曰：臣有三劍，有天子劍，有諸侯劍，有庶人劍。天子之劍，以燕豁石城爲鋒，齊岱爲鏑，晉魏爲脊，周宋爲鏗，韓魏爲夾。此劍一用，天下服矣。

弦擊邳邳行繳鷲

〔史記楚世家〕秦、魏、燕、趙者，騏雁也。齊、魯、衛者，青首也。鄒、費、邳、邳者，羅鷲也。外其餘則不足射。鷲音壘。小鳥。〔說文〕邳，奚仲之後，仲虺所封國。〔又〕邳，少昊之後所封國。

交游已定肯論心

學習相符須貫統。曩昔大海沂空闊。聊擬翁洲覓鉛湏。

翁洲，解見還舍後。〔參同契〕胡粉投炭內，色壞還爲鉛。〔說文〕青金也。〔玉篇〕黑錫也。〔淮南子〕弱土之氣，御於白

天生白鬢，白鬢生白頰，五百歲生白金。

蠟屐穿林草木愁。

蠟屐，解見去歲留杭。

蒲帆壓島鯨蠃悚。每令故友役吟夢。猶笑青年

頰音汞。〔說文〕丹砂所化爲水銀。

伏畊隴。道途窅窅身更遠。勳業悠悠志仍鞏。送君便欲東過越。龍井泉頭看晴湧。山杯一釂復愴然。

〔庚信詩〕野

爐燒樹葉，山杯捧竹根。〔按〕

古曲何能効羅嘖。

〔玉篇〕羅嘖，歌曲也。〔通雅〕羅嘖猶來羅。〔雲溪友議〕元公贈劉探春曰：選詞能唱望夫歌，即羅嘖曲也。〔按〕元公謂元稹也。元稹廉問浙東，有妓女劉探春，

自淮甸來，能歌此曲，閨婦行人聞者莫不流涕。〔按〕金陵有羅嘖樓，陳後主所建。

觀唐薛調劉無雙傳戲作劉無雙歌

〔唐杜光庭豪客傳〕王仙客者，建中中朝劉震之甥也。初，仙客父亡，與母同歸外氏。震有女曰無雙，端麗聰慧。一日，王氏姊疾召震，以仙客爲托，無雙異日無令

歸他族，姊竟不痊。仙客護喪歸葬，服闋，念身世孤子，宜求婚娶，以廣後嗣。於是飾裝抵京師，時震爲尙書租庸使，舅甥之分，依然如故，但寂不聞選取之議。一日，震趨朝，至日初出，勿然走馬入宅，汗流氣促，唯言鑠卻大門，鑠卻大門，一家惶駭，良久，乃言

涇原兵士反，姚令言領兵入含元殿，天子出苑北門，百官奔赴行在，因召仙客，與我勾當家事。我嫁與爾無雙，乃裝金銀羅錦二十馱，令仙客易衣，押令出開遠門，覓一深隙店安下。我以汝舅母及無雙，出啓夏門，遶城續至，仙客依所教，至店中久待不

至。因乘驄秉燭，遶城至啓夏門。見守門者，下馬徐問曰：「城中有何事如此？」又問：「今日有何人出此門？」門者曰：「朱太尉已作天子，午後有一人領婦人四五輩，欲出此門，讖是劉尙書，不敢放出。近夜追騎至，一時驅向北去也。」仙客失聲慟哭，歸店三更向盡。城門忽見火炬如晝，兵士皆持兵，傳呼出城，搜城外朝官。仙客捨輜騎，驚走歸襄陽。三年後，知尅復京闕，乃入京訪舅氏消息。至新昌南街，遇其舅家舊蒼頭塞鴻，而震與夫人以受僞命官，皆處極刑，無雙已入掖庭矣。仙客哀冤號絕，問鴻舊家人，得無雙婢採蘋於金吾將軍王遂中宅，厚價以贖，曰：「無雙固無見期，得見採蘋，死亦足矣。」因稅屋與鴻蘋居。久之，遂中薦見仙客於京兆尹李齊運，齊運以仙客前銜爲富平縣尹，知長樂驛，忽報有使押領內家三十人往園林，以備酒掃，宿長樂驛，轎車子十乘下訖。仙客謂塞鴻曰：「我聞宮嬪選在掖庭，多衣冠子女，恐無雙在焉。」因令塞鴻假爲驛吏，烹茗於簾外。至夜深，忽聞簾下語曰：「塞鴻塞鴻，汝爭得知我在此也。」郎健不言訖，嗚咽又曰：「明日我去後，汝於東北舍閣子中紫褥下取書送郎君，言訖便去。」忽聞簾下極鬧，云：「內家中惡，中使索湯藥甚急，乃無雙也。」鴻疾告仙客，仙客驚曰：「我何得一見。」鴻曰：「今方修渭橋，郎君可假作理橋官，車子過橋時，近車子立，無雙若認得，必開簾子，當得瞥見耳。」仙客如其言。至第三車子，果開簾子，真無雙也。悲感不勝。鴻於褥下得書，花牋五幅，皆無雙真跡，詞理哀切。仙客覽之涕下，自此永訣矣。其書後云：「常見敕使，說富平縣古押衙，人間有人，今能求之否？」仙客遂歸本官尋訪，造謁古生，生所願，必力致之。一年未開口，秩滿閑居於縣。古生忽來，謂仙客曰：「洪一武夫，年且老，何所用？察郎君之意，將有求於老夫，老夫乃一片有心人，也願以身效。」仙客泣拜以實告。古生仰天，以手拍腦數四曰：「此事大不易，然與郎君試求，不可朝夕便望。自此半歲無消息，一日扣門，乃古生送書，書云：『茅山使者迴，且來此。』仙客奔馬去，見古生，生乃無一言，又啓使者，復云：『殺卻也。』且喫茶。夜深謂仙客曰：『宅中有女家人，讖無雙否？』仙客以採蘋對。仙客取至，古生端相，且笑，且喜云：『借留三五日。』後累日，忽傳說有高品過處，置園陵宮人，仙客心甚異之，令塞鴻探所殺者，乃無雙也。仙客號哭，不能自已，是夜更深，開扣門甚急，及開門，乃古生也，領一篋子入，謂仙客曰：「此無雙也，今死矣，心頭微暖，後日當活。」微灌湯藥，切須靜密，言訖，仙客抱入閣子中，獨守之。至明，遍體有煖氣，救療至夜方愈。古生又曰：「暫借塞鴻於後掘一坑，坑稍深，抽刀。」

斷鴻頭於坑中。古生曰：莫怕。今日報郎君恩足矣。比聞茅山道士有藥術，其藥服之者立死三日卻活。某專求得一丸，昨令探
殯假作中使，以無雙逆黨賜此藥，令自盡。至陵下，託以親故，百緡贖其屍。凡道路郵傳，皆厚賂矣。茅山使者，乃昇菀人在野外
處置訖。老夫為郎亦自劾，郎君不得更居此門外，有擔子一十人，馬五匹，絹三百匹，五更掣無雙
便發，變姓名，浪迹以避禍。言訖舉刀，仙客救之，頭已落矣。遂并屍覆訖，挈家歸襄陽，與無雙偕老。

劉家無雙妙春華

〔潘尼詩〕流聲馥
秋蘭擣藻豔春華

雙眉楊柳臉蓮花

〔唐人咏柳詩〕眉同京兆秀，腰學楚宮纖。〔按〕明皇十眉圖
有柳葉眉。〔唐書〕張昌宗以姿美見幸，楊再思每日曰：人言六郎

似荷花非也。正謂
荷花似六郎耳。

父母衣裳惜不嫁，黃銀蹙繡鴛鴦紗。涇原軍動霜刃起，灞澹塵揚奔騎止。

〔通鑑〕唐德宗建
中四年，朱泚反，據長

安，上發涇原等道兵救襄城。十月，涇原節度使姚令言將兵五千至京師，軍士冒雨寒甚，多攜子弟而來，冀得厚賜，遺其家。既至，一無所
賜，發至澆水，詔京兆尹王翊犒師，惟糲食菜餒，衆怒，蹴而覆之，乃擐甲張旗，鼓譟還趨京師，入城，百姓駭走。〔司馬相如上林賦〕終始
霸產，出入涇渭。〔注〕霸水出藍田谷，
產水亦出藍田谷，涇水出安定涇陽。

宮闕迴兵埽荆棘，掖庭數罪輸桃李。富平押衙老有心，句曲道士藥如金。

氈車開幕望陵樹，綵筆箋牋聽苑禽。一時刎頸空來送，中路贖骸還掩慟。收魂召魄秦地愁，詭姓藏身楚
鄉夢。古今俠者天下聞，當風瀝血卽功勳。手標長劍重死許，薄命佳人淚零雨。

金華山游雙龍水壺二洞欲往朝真洞晚不可到

〔謝翱金華洞人物古蹟記〕金華洞去縣三十里，洞有三道，
赤松東西鹿田上而下，遠望若建瓴水，及至，復平夷無他險道。

北山由上下氣喘喘不暇息，然亦不覺勞苦。下洞之右為椒亭，亭上望洞口若鐵甕，石正青，黑洞內外分爲兩，由鐵甕入可坐
數百人，有穴如鰲頤，水出自頤入地中，下山復不知何處，由頤入臥小舟，僮僕篝火傳舟，進至岸，寥泖空廓，行飄飄有聲，由右

轉左。復從頤出洞外二百步。至中洞口。自洞口東炬。回旋入地底。一出良久。有二里。至上洞。上洞分左右。爲兩變怪開闔。爲體各不同。而天地山海人物之類最多。歸而以其類識之。總六十有四。併十二而五。得五十七。爲仙人藏身處。一石黃色。亘地在外。洞右爲道人。比肩而立。各一。在外洞上頂旁。爲大士。垂珠纓絡。箕踞而坐者。一在石之右。凡爲人之類四。而形影小。大有不犯焉。爲碧桃枝實。纍纍垂下者。一處在於外洞頂右。爲石筍拔地而玉立者。一斜上蒼紫而迸於地者。一在洞中水簾後。凡爲植物之類三。而苞萌蒼實。有不犯焉。爲蒼龍首尾相應者。一在外洞左。左右對爲龍頭角鬣尾及爪痕如玉者。各一。在內洞右。爲蒼白兩龍。鱗鬣欲夾石梁。飛度者。一在上洞左角。爲右黑龍。而白蛇自背繞其脇者。一爲蟾蜍三足。一在石門限北。爲遊魚布影於石者。一在外洞頂西北。爲蝦蟆匝地者。一在鬻頤蓄水旁。爲石蜂窠。房牖如綬者。一在蝦蟇石上。頂爲石獅子。爲石虎而踞者。各一。在雪山前。爲大小象腳大二小。一在內右轉左。凡爲山海奇怪之物。總十有四。離而爲二十有一。而鱗介羽毛飛走有不犯焉。前後雪山。一在上洞。爲雲霞五色。二在霜石上。稍西。及上洞右。爲仙人望月者。一在鬻頤受日處。正圓如三五夜。爲日影射石壁。類月光在地者。一處在上洞石之左。爲北斗七星窠。一在外洞外之左。凡爲在天垂象之類。九不犯。二三焉。爲天涯海角。各一。在下洞內。右滑臺。一在內之左。爲石紋細。湧如水波浪痕者。二在下右左上。爲仙人種玉田者。一在下左。丘畝步角可數。爲天池。一在上洞天扉下。石井。一在上右角下。皆深黑。莫測所窮。凡爲在地之類。八不犯。一二焉。爲石門限。溜室窗櫺各一。在石限內。爲石柱。一在大小象腳外。石室。一在水簾石筍後。水落沙石盛之。輒滲下不溢。簾後東炬。可立先出者。視互出入者。與東炬立簾後者。若神人然。爲石梁。一在天池左。可數十丈。爲天扉。中折。日光射其內者。一從洞背尋拆處。復不可見。凡爲棟宇之類。七。而求其犯者。無一焉。爲石鐘鼓。自洞頂懸而虛其下。而聲各如其所名者。一在仙笠東。爲仙笠。一在鼓西。爲筆格。而山立者。一爲硯滴。石穿溜。若引蟻鑽珠。而洞頂滴泉。正當其處。一與筆格自爲左右。爲懸鐘寶蓋。類雲氣結。而天花雨者。一在鐘鼓南。爲天人掛衣痕。覺覺如新者。一在石牀右。石牀。一在衣左。爲小掛衣。一在外洞黃石上。側爲水簾飛空而下。類珠碧綴成者。一在中洞旋石中。爲小懸鐘。二在中洞及上左。凡爲器玩之物。十有二。而求其犯者。無一焉。余嘗喜獨行山水。

間。遇古蹟奇玩見於外。有過此無不及者。至內觀若神犀、寶鼎、燭影、圖物、夔龍、罔兩、天地、山海之藏。皆莫得逃其狀。此為尤絕。友人方君鳳既集為行紀。志所變怪。先後有差。余嘗欲與善畫者。日夜相對。盤礴其下。寫為圖分合數面。求書尾於山林畸人。靜者傳之後數百年。以為希世之寶。而力有未能。輒敘其槩而為之記。凡以昔之得游而觀者。數千百年。既不可知其人而往矣。後之欲圖而觀者。數千百年。豈無有與我同志者。其於此庶乎其有考也。

金華三十六洞天

〔金華山志〕山高一千餘丈。周三百六十餘里。山巔雙巒。曰玉壺。曰金盆。壺中有湖。名徐公湖。水分兩派而下。其瀉乎山之陽者。由山橋而達於溪。其注乎山之陰者。由鹿田而入於洞盆。中有飛瀑瀉出。若玉虹下垂。注為赤

松澗。山橋兩崖對峙。高數百仞。有石橫跨其上。鹿田峯巒聳拔。上有沃野可耕。洞曰金華洞。即道經所稱三十六洞天也。

高崖巨壑多風煙。老石斗甕寒鳴泉。巒花鐵樹森戈鋌。鳥

獸絕跡鬼魅聯

〔郭璞江賦〕江妃含嘯而聯眇。音綿眇視貌。

清竄辟窳巢神仙

竄音幽。〔說文〕竄微也。〔張衡西京賦〕望窳窳以徑廷。窳音叫。窳音調。深遠貌。

虛泓嚙趾墓頤

然怪擊窳落闢屋榜

榜音眠。〔說文〕屋榜聯也。作櫓。

涼飈倒鞞噏欲穿

鞞音伏。本作鞞。〔廣韻〕車具。

凍乳水髓偃就船。熒光爇冥竹炬夔

〔集韻〕然。古作蕪。〔陸倕石闕銘〕刑酷蕪炭。

積蕪蹠屨跣跣卻趨

蹠音闕。〔玉篇〕足跌也。屨音腳。〔說文〕屨也。〔增韻〕木曰屨。麻曰屨。蕪音權。〔說文〕行趨也。一曰行曲春貌。

危棟結宇深局鍵

曲房密閣極邃延。困倉斂穢列町疇

〔說文〕田踐處曰町。疇同。〔說文〕城下田也。

樵架鞞捲冠裳懸

鞞音讀。〔玉篇〕弓衣也。鞞也。

鐘欒鼓簾屹不

遷。欒音鸞。〔考工記〕鳧氏為鐘。兩欒謂之鈇。〔注〕古應鐘之鐘不圖狀。如今之鈴。故有兩角也。

彤霞寶蓋爛瑛鮮。蜚幢舞節恍後前。垂龍夭矯角鬣全。穹龜絡蛇

白以玄。後頭象脚伏獬獿。被音酸。解見題溫日觀蒲萄。獬音連。獿音傳。〔集韻〕獸走貌。蟾蜍蝕月囚重縲。縲音娟。水迴復之貌。霏霜霰雪凝真鉛。靈溪流

潺截中邊。祕穴漆黑踞背肩。神閭峻拒亟我旋。暗井瞰腹抱豁圓。仰窳斷縞囑或顛。縞音聿。〔說文〕縲也。〔揚子方言〕關東謂之縲。關西

謂之妖蛟產鰓滑吐涎。〔淮南子〕獸胎不贖。鳥卵不鰓。〔注〕胎不成獸曰贖。卵不成鳥曰鰓。贖音獨。鰓音段。水簾洒空萬琲聯。琲音痺。〔說文〕珠五百枚也。〔吳都賦〕珠琲闌干。〔注〕琲貫也。珠

十貫爲一琲。馮夷海國潞爲淵。馮夷。解見泊道隆觀。窺覘欲下手足拳。悔懼咋舌恐有愆。給其奧室別據巔。〔張衡思立賦〕趨給闌之洞穴。〔注〕

深貌。給音暗。蕙蘿藤蔓亂糾纏。〔詩〕蕙與女蘿。蝙蝠翅股掛復翹。翹音喧。〔說文〕水飛也。蜥蜴弄電窟宅專。蜥蜴。解見浦陽十景。梵質蕃飾垂

蝙蝠。寶纓珠珞窮雕鐫。精英象物得氣先。上踞下伏總一甄。〔左思魏都賦〕玄化所甄。鑿磴陟絕愁攀緣。鑿音暗。〔說文〕缺齒也。嗟

予學道苦未堅。起攀昌陽望延年。〔韓愈進學解〕昌陽引年。〔按〕昌陽。菖蒲別名。乾堪坤輿自方圓。稟生受有吾拘攣。羽毛鱗介正

或偏。飛潛動植過百千。宮居竈食類蝮蝮。〔爾雅注〕蝮蝗子未有翅者音沿。酸醎淡澁朽臭羶。揭鑑照面益削腴。運劔剖腹

猛滌滷。〔五代史〕王仁裕少嘗夢剖其腸胃。以西江水滌之。文思益進。貪贏嗇厚務死權。〔莊子〕貪財而取慰。食權而取竭。息黥補劓吁誰賢。〔又〕庸詎知夫造物者之不息我黥而

補我剗使我乘
成以隨先生邪
我疑神仙住渺緜
黃庭鬱璘內景蜺

黃庭解見去歲留杭

芙蓉城闕麒麟

〔括異志〕慶歷志有朝士冒晨赴起居通衢見美婦三十餘人並馬而

行若前導者俄見丁觀文度按轡繼之有一人最後行問之曰觀
文將遊何處曰非也諸女御迎芙蓉館主時丁已在告頃之聞卒

蓬萊樓閣魚龍鞭

句解見泰山高

服闋賣瓜俗骨痊

〔列仙傳〕服闋不知何

所人也往來海濱諸祠中見三仙人博賭瓜顧闕
使擔黃白瓜數千頭教令瞑目及覺乃在方丈山

道華啖棗彭仇捐

〔神仙傳〕永樂有無核棗道士侯道華獨得之〔蘇軾詩〕驅攘三彭仇已我心腹疾〔注〕三彭三尸姓也柳子厚曰有

道士言人皆有尸蟲三處腹中伺人隱微失快輒籍記
日庚申幸其人之昏睡出讖於帝是以人多謫過天死

白河炤耀踏斗纏滄海攪碎觀桑田

句解見望馬秦諸山

盍獨闕此使世

癩我卜我筮還筮尊

〔離騷索瓊〕茅以筮尊命靈氣爲余占之〔注〕瓊茅靈草也筮小折竹也楚人名結草折竹以下曰筮靈氣古明占吉凶者筮晉延靈晉專

喝開三洞薄八埏

喝開三洞用碣石巖

事解見蒲陽十景〔淮南子〕九州之外有八埏

翻然直駕鶴與鳶

韓吉父座上觀漢陽大別山禹柏圖

〔禹貢〕蟠冢導漾東流爲漢又東爲滄浪之水過三澨至于大別〔名勝志〕三國志云魏初定荊州屯沔陽以爲重鎮沔陽者漢陽也今隸湖廣〔寰宇記〕

大別山在漢陽府漢陽縣東北

大別名山如伏鼈大別古柏如立猱舊聞夏后手所植直軋南國如蓬蒿

軋音振

洪水曾當洛洞極聖躬乃

此胼胝勞乘舟荆衡地可盡。〔禹貢〕荆及衡陽惟荊州。作貢雲夢天爭高。雲夢解見夕泛海東。一時栽樹託所歷千載摩撫繫其

遭本根盤拏屹肩屨。〔左思吳都賦〕巨靈肩屨首冠靈山。肩音避。屨音係。大龜蟠蟠之屬好負重。今石碑下龜趺象其形。枝葉挺拔森旌旄。礙日吟風聳楚阻。欺霜

傲雪慶秦饗。夜行夏首影弄月。〔名勝志〕武昌府漢之江夏郡也。江夏縣有夏口城在黃鵠山東北。吳孫權所築一作夏首。曉艤鄂瀝聲吹濤。〔又〕秦鄂縣。漢武帝封姊為鄂邑長公

主於此。吳孫權徙都之。更名武昌。仍與鄂縣並置。隋唐省鄂入武昌。信哉冥靈欲等壽。材比杗榦終稱豪。〔禹貢〕杗榦栝柏。屏除留翳虎豹泣。〔詩〕作之屏之其留其翳。

鎮斷夔夔蛟龍逃。解見觀張循王戰處。匠石徘徊卻喪斧。篙工睥睨寧維炯。吾知嘉木辨爾雅。〔郭璞爾雅序〕可以博物不惑多識於鳥獸草木之名

者莫近。但惜芳草遺離騷。平生環轍苦未到。幸此畫筆何從操。豈非神明護正直。使在方漢雄城壕。〔左傳〕楚國方

城以為城。漢樓桑出牆尚久特。〔名勝志〕樓桑里。劉備之舊里也。蜀志云先主少孤。販履織席為業。舍東南角籬上有桑樹生高五丈。遙見童童如小車蓋。或謂當出貴人。先主戲言吾必當乘此羽葆蓋車。巨櫟蔽

社猶堅牢。解見得杭州書。惟茲所重有聖德。坐見餘物真秋毫。自來劉李富宮室。命下荆蜀刮土毛。劉謂漢武帝。解見題方景賢枯木竹

石李謂唐太宗。〔按〕通鑑。太宗翠微玉華二宮營繕相繼。所費巨億萬計。一榮一枯驗世道。勿翦勿伐臨江臯。〔詩〕勿翦勿伐。召伯所茇。穆滿蒼茫黃竹詠。〔穆天子傳〕

天子周巡。至于黃竹。天子乃休。日中大寒。北風雨雪。天子作詩。我徂黃竹。三章以哀民。

重華慘澹蒼梧號。

〔書〕曰若稽古帝舜。重華。協于帝。蒼梧。解見望會稽山。

渺然萬古萬萬古。西望嘆息

同霑袍。

同吳正傳詠龔巖叟小兒高馬圖

北平爰臂久不候。

〔前漢李廣傳〕上召拜廣爲右北平太守。〔又〕爲人長爰臂。其善射亦天性。〔又〕廣不得爵邑。官不過九卿。廣之軍吏及士卒。或取封侯。

伏波矍鑠空持矛。

〔後漢馬援傳〕援據鞍

顧盼以示可用。帝笑曰。矍鑠哉。是翁也。

并州小兒十歲許。

〔李白詩〕經過燕太子結託并州兒。

雙足捷走眞驊騮。

〔穆天子傳〕穆王欲使車轍馬跡。遍行天下。乘八駿馬。奔戎爲右。造父爲御。〔注〕驊

騮。赤驥。白兔。撓渠。黃驢。盜驪。山子。〔淮南子〕驊騮駢駢。一日而至千里。然使之搏兔。不如豺狼。伎能殊也。

金鞍玉勒絲轡絡。肉鬣風鬣雪斷齧。郊衢一躍自矜驕。血氣

未完先躡躑。

躡同蘭。躑音洛。

漢皇神武駕英雄。西極飛來八尺龍。

八尺龍。解見送鄧浚常。

城東鬪雞爾尙可。

解見畫馬行。

磧外鳴劍

吾無功。初陽卻照長楸道。白髮奚官泣枯草。

奚官。解見畫馬行。

悠悠翠蓋與鸞旗。老矣驊騮那得知。

〔揚雄甘泉賦〕流星旋以電觸兮。

咸翠蓋而鸞旗。

古俠客行

〔郭茂倩樂府詩集〕戰國公子。皆藉王公之勢。競爲遊俠。以取重諸侯。顯名天下。後世遂有遊俠曲。魏陳琳。晉張華。又有博陵王公俠曲。〔李白詩注〕樂府遊俠二十五曲。中有俠客行。

長安天闕制九州。

〔一統志〕晉元帝初作宮殿王導指雙闕曰此天闕也。〔書〕九州攸同。

河北列鎮類諸侯。

〔通鑑〕唐代宗廣德元年正月以薛嵩為相衛邢洛貝磁六州節度使田承嗣為魏博德滄

瀛五州都防禦使四月又分河北諸州節度以幽莫媯檀平薊為幽州管恆定趙深易為成德軍管相貝邢洛為相州管魏博德為魏州管滄棣冀瀛為青淄管懷衛河陽為澤潞管〔按〕貝州今廣平府磁屬彰德府魏今大名府博今東昌府德州屬濟南府滄瀛俱河間府幽今順天府莫州故城在河間府任丘縣北媯今延慶府檀今密雲縣平今永州府薊屬順天府易屬保定府隸省入滄州冀屬眞定府相今彰德府衛州今衛輝府洛今廣平府邢今順德府恆趙深定易皆眞定府。

私劍縱橫常滿路。

錦袍結束耀珠鞬。

〔前漢東方朔傳〕董君綠幘傳鞬。〔注〕韋昭曰鞬形如射鞬以縛左右手於事便也師古曰即今之臂鞬也。

初月三更動千里紅線女郎勝男子金合

書名斗柄高繡幃被髮心神死使臣單騎急叩城唇齒兩河休用兵帳前盜賊在鄰道陣外旌旗無硬營

浩歌置酒紅線去夜叉飛天渺何處昔日驕鸞曉雨花今朝脫兔秋風樹當筵一笑卻生塵累賜千金豈

顧身。

〔段成式劍俠傳〕唐潞州節度使薛嵩家青衣紅線者善彈阮咸又通經史嵩召俾掌牋表號曰白記室時朝廷命嵩嫁女魏博節度使田承嗣男又遣嵩男娶滑臺節度使胡章女三鎮交締為媯媯使蓋相接田承嗣意欲移鎮山東乃募軍中勇武十倍者得

三千人號外宅男而厚其廩給常令三百人夜直宅中卜良日欲并潞州嵩聞之日夕憂悶計無所出夜漏方深轅門已開策杖庭除唯紅線從焉紅線曰主公一月不遑寢息意有所屬豈非鄰境乎某誠賤品亦能解主公之憂某暫到魏境觀其形勢視其有無今一更首途二更可復命請先定一走馬使具寒暄書其他則待某卻回也嵩難之紅線曰此行無不濟也乃入房飾行具梳烏鬢髻插金鳳釵衣紫繡短袍着青絲履胸前掛龍文七首額上書太乙神名再拜而行倏忽不見嵩乃返身閉戶背燭危坐忽聞曉角吟風一葉墜露驚而起問紅線回矣嵩喜而慰勞詢事諧否紅線對曰幸不辱命又聞無殺傷否曰不至是但取床頭金合為信耳又曰某子夜前三刻即達魏城凡歷數門遂及寢所聞外宅兒正於房廊睡聲雷動見中軍士卒步於庭下傳叫風生乃發其左扉抵其寢帳田親家止於帳內鼓

跌酣眠。頭枕文犀枕。枕前露七星劍。劍前仰開一金合。內書生身甲子。與北斗神名。復以名香美珠。壓鎮其上。時則爇炬烟微。爐香燼委。侍人四布。兵仗森羅。某乃拔其簪珥。裹其裳衣。如病如醒。皆不能寤。遂持金合以歸。出魏城西門。將行二百里。晨鐘動野。斜月在林。夜漏三時。往返七百里。嵩乃發使入魏。遣承嗣書曰。昨來暮夜。有客自魏中來云。從元帥床頭。獲一金合。不敢留駐。謹卻封納。專使星馳。夜半方達。正見搜捕金合。一軍驚疑。使者以馬捶搗門。非時請見。承嗣遽出。使者以金合授之。捧承之時。驚惶絕倒。明日遣使賚馬幣珍異等。以獻於嵩曰。某之首領。繫在恩私。便宜知過自新。不復更貽伊戚。所置紀綱。外宅兒者。本防他盜。亦非異圖。今並脫其甲裳。放歸田畝矣。由是兩月之內。河北河南。信使交至。忽一日。紅線辭去。嵩強留之。願以千金爲居山之所。紅線不可。嵩乃廣爲餞別。悉集賓僚。夜宴中堂。嵩以調送紅線酒。不勝其悲。紅線拜且泣。因僞醉離席。遂亡所在。〔又夜叉傳〕唐進士薛綜。遊河北衛州界。遇一病僧。僧爲言。少年時好遊絕國。一日遙見一女人。衣緋裙。跣足袒膊。被髮而走。其疾如風。又忽見有人乘甲馬。衣黃金衣。備弓劍。奔跳如電。至僧前問曰。見緋裙人否。此非人。乃飛天夜叉也。磨勒踏垣。獒犬伏。

〔劍俠傳〕唐一品家歌姬紅綃。墓崔生。約十五日赴院。崔生家昆崙磨勒云。一品宅。有猛犬守歌妓院門外。常人不得入。入必噬殺之。其警如神。其猛如虎。即曹孟海州之犬也。今夕當爲郎君

擗殺之。三更攜鍊錐而往。食頃而回曰。犬已斃矣。乃負生逾十重垣而入。歌妓院內。又負生及姬。而飛出峻垣十重。一品之家。守禦無有警者。水精絕海蟄龍噴。〔蘇軾詩〕龍應抱寶眠。〔注〕傳奇載

夜常有光如虹。邯命水精入井。良久出。世上一出沒。幾紅線。織夫細兒徒股戰。不盡英雄草澤間。教人恨殺虬髯傳。曰有一黃龍極大。抱數顆明珠。熟寐。

〔杜光庭撰豪客傳〕楊素家妓紅拂。投奔李靖。靖挾之。將歸太原。於旅舍遇一人。赤髯如虬。與妓結爲兄妹。約靖先後同至太原。見文皇。又約靖與姬入京。同詣某坊曲小宅相訪。悉取藏寶貨泉貝相贈。曰。太原李氏。眞英主也。三五年內。即當太平。持予之贈。以輔眞主。此後十年。東南數千里外。有異事。是吾得事之秋也。汝二人可瀝酒向東南相賀。遂不復見。靖據其宅。爲豪家助文皇。匡定天下。貞觀十年。南蠻奏扶餘國殺其主自立。國已定矣。靖已知虬髯得事也。

寄吳正傳

自昔攜手燕南門。長風洒雪衣不溫。向來所見夢一覺。今縱欲語舌欲吞。日斜慷慨與子別。班馬跳躍東

西奔。〔左傳〕有班馬之聲。齊師宵遁。色摩中州翠嶽聳。波濯列壤黃河渾。指麾齊秦擊快鶻。凌厲楚漢抽枯龜。彼雖失矣

幸得此。英氣挾酒猶飛鷲。常憶仲春大羽獵。九衢絃直歸乘輶。〔後漢黨錮傳〕直如絃。死道邊。〔鮑照詩〕直如朱絲絃。綵女分行引樂

伎。材官夾道羅弓韞。〔史記周勃世家〕材官引疆。須臾紛騰一萬騎。足所未及塵為昏。中使計功促筵秩。崑崙玄圃惟目

存。〔屈原天問〕崑崙崑縣圃。其尻安在。威鳳文章條能集。祥麟郊藪將不誼。〔記〕天不愛其道。地不愛其寶。人不愛其情。故麟鳳游郊藪。龜龍在宮沼。〔尚書中候〕黃帝時。天氣休通。五行期化。鳳皇巢於

阿閣。威麟在圃。信知天邑自壯麗。誰使游士爭扳援。悲哉小草有遠志。〔世說〕謝公始有東山之志。後嚴命屢臻。勢不獲已。始就桓公司馬。於時人有餉桓公藥草。中有遠志。公取

以問謝。此藥又名小草。何一物而有二稱。謝未即答。時郝隆在坐。應聲答曰。此甚易解。處則為遠志。出則為小草。謝甚有愧色。桓公目謝而笑曰。郝參軍此過乃不惡。亦極有會。隨卽大挫栖丘樊。〔白居易詩〕大隱在朝市。小隱在丘樊。

恢奇俊偉莫子若。便可上拂勾陳垣。勾陳解見送鄭獻可。來乘東楚又一載。此地聞舊稱雄藩。居民雜作他郡劇。治

道小試平生言。秋行荒墟翠稻實。〔晉書〕郭翻欲墾荒田。先立表田。經年無主。乃作稻將熟。有認之者。悉推與之。墟音輓。平聲。夜艤巨漑明珠燉。〔謝承後漢書〕孟嘗為合浦太守。

郡俗舊採珠以易米。先時二千石。貪穢使人採珠。積以自入。珠忽徙去。合浦無珠。飢死者盈路。孟嘗化行一年之間。去珠復還。深音鹿。燉音豚。

定應矯旨謂予懶。青桂無花能返魂。

句解見巖南老人

幽屐

穿林鸞鵲唳。

解見去歲留杭

大瓢挹海魚龍掀。

解見妙觀上人

達須出仕窮且隱。肯以一腐終乾坤。

杜甫詩江漢思歸客乾坤一腐儒

婁約禪師玻璃瓶子歌秋晚寄一公

金華仙釋志惠約俗姓樓氏。義烏人。母夢吞金像而生。約膚體璨然。因名靈璨。字德素。叔父好射獵。獲禽獸約獨不窺。家人問之。約曰。麀鹿於草間求活。逐而

殺之。不忍窺也。又悲桑蚕纏縛而死。遂不衣纈。年十七。落髮於上虞東山寺。始更今名。後居山陰天柱寺。周顒為剡令。去官攜之入都。居草堂寺。沈約一見。以為道安。惠遠無以尚也。約守東陽。同歸葬親墓。成遊金華。住赤松澗。餌藥斷穀。所進麻棗而已。約代隨還草堂。梁天監十八年。武帝延約於等覺殿。受菩薩戒。頂禮而請曰。弟子頂禮。勿使外人知之。約遂合掌入深瓶中。結跏趺坐。見五色雲臺。頃出謂帝曰。貧道化身入瓶中。陛下亦無令外人知之。帝遂北面受戒。親執弟子之禮。稱曰智者國師。普通七年。奏以金華故庵建智者寺。大同元年九月十六日示寂。年八十四。詔葬獨龍山。前漢西域傳罽賓國出珠璣。珊瑚。虎魄。壁流離。注魏略傳大秦國出赤白黑黃青綠縹紺紅紫十種流離。此蓋自然之物。采澤光潤。踰於衆玉。其色不恆。今俗所用。皆消治石汁。加以衆藥。灌而爲之。尤虛脆不真。實非真物。梁四公傳記扶南人來賣碧。頗黎。鏡。廣一尺半。內外瑩潔。向明視之。不見其質。重四十觔。

玻璃瓶子西國來。顏色紺碧量容杯。老婁禪師澡身處。秋水浸空菱葉開。大身無邊小無礙。天地山河等

塵瑩。

法華經如來知見廣大深遠無量無礙力無所畏禪定解脫三昧深入無際成就一切未曾有法。西都賦軼埃瑩之混濁。瑩音謫。塵合也。

收藏霹靂歸沉寥。

楞嚴經如來色目怨謗同名。讒虎菩薩見柱如遭霹

靈〔頭陀寺碑〕智炬雖滅法雷猶響

〔楚辭九辨〕沈寥兮天高而氣清

束縛蛟龍作澎湃浮屠善幻本犛軒

〔後漢楚王英傳〕英晚節喜黃老學為浮屠齋戒祭祀〔袁宏漢紀〕浮屠佛也〔前漢張

騫傳〕益發使抵安息奄蔡犛軒條支身毒國〔注〕自安息以下五國皆西域胡也犛軒即大秦國也〔典林〕大秦國一名犛軒有幻人額上為災燼手中作江湖舉足則珠玉自墮開口則旗旄涌出聲音犛軒音軒

同泰佞佛多衣冠

〔南史〕梁主幸同泰寺設四郡無遮大會釋御服持法衣行清淨大捨素牀瓦器親為四衆講涅槃經羣臣以錢億萬奉贖表請還宮〔徐陵東陽雙林寺碑〕黑貂朱繖王侯滿筵國華民秀公卿連席佞佛解見雲門紀行

壺公樓宇猶魂夢

〔後漢書〕費長房汝南人為市椽有老翁賣藥於市懸一壺於肆頭及市罷輒跳入壺中長房於樓上見之異焉因往再拜翁乃與俱入壺中但見重門閣道左右侍者數十人翁語房曰我仙人也昔處天曹以公事不勤暫謫人間耳戒勿與人言長房乃得相從學道

媚兒網運絕胝癢

〔太平廣記〕唐貞元中市坊有丐者自稱媚兒姓胡懷中出琉璃瓶可受半升表裏通明如不隔物曰施滿此聖瓶子則足矣瓶頂如葦管人與之百錢投之琤然有聲見瓶間大如粟粒衆異之復與千錢亦如此以至萬錢

亦然好事者以驢與之入瓶如蠅大動行如故俄有度支綱至數十事綱人駐車觀之綱主戲曰爾能令諸車入瓶中乎媚兒曰可乃微側瓶口令車悉入歷歷如行蟻然有傾漸不見媚兒即跳入瓶中綱官大驚以挺扑瓶破一無所有從此失媚兒所在後月餘有人於清

河逢媚兒部領車乘趨東平而去

北山杉槽定福室梁皇肉眼徒屈膝

〔禮〕外內不共福浴福音逼浴室謂之福

松花玉露洗還香柏子金煙熏欲

漆靈璨閣前途一師

〔吳師道北山遊記〕出金華城西六十五里號芙蓉峯其下為智者寺梁靈璨師澡瓶在今實名利西偏遊覽最勝處亭榭錯峙有曰上方境界者予所最愛也

手親傳玩到今疑尚

箴膏盲起廢疾

〔左傳〕晉侯病求醫於秦秦伯使醫緩為之未至晉侯夢二豎子曰彼良醫也懼傷我焉逃之其一曰居膏之上膏之下若我何緩至曰疾不可為也在膏之上攻之不可達之不及藥不至焉不可為也公曰良醫也稽

首乞師楊柳枝。

〔傳燈錄〕泗洲僧伽大師者。世謂觀音大士應化也。自西國來。唐高宗時。至長安洛陽行化。歷吳楚間。手執楊枝。混於淄流。華嚴淨行品。手執楊枝。嘗願衆生。皆得妙法。究竟清淨。

題方景賢護法寺壁枯木竹石

山從崑崙西北來。

崑崙解見題海上人棧畫軸

北經黃河積石到碣石。

〔書〕導河積石。黃河解見石門。食泉碣石。解見觀秦丞相碑。

南亘青城峨眉萬里壓

南嶽天台。

〔一統志〕峨嵋山。在眉州城南二百里。來自岷山。連岡疊嶂。延袤三百餘里。至此突起三峯。其二峯對峙。宛若峨眉。〔長沙記〕衡山。軒翔聳拔。九千餘丈。尊卑差次。七十二峯。最大者五芙蓉。紫蓋。石廬。天柱。祝融。祝融爲最高。在湖廣衡州府衡

山縣。〔真誥〕天台高一萬八千丈。周迴八百里。山有八重。四面如一。當斗牛之分。上應台星。故曰天台。〔按〕志屬浙江台州府。

南嶽山頭夜見日。天台絕頂下視東海如一杯。仙奕壇

開。織篁掃雨嫋嫋碧。

〔永嘉記〕小江綠岸有仙石壇。有竹。嬋娟青翠。風來枝動。拂石壇上。無塵也。

神丹鼎冷老檜拔。出號風叱雷。

〔爾雅〕檜。柏葉松身。書。天大雷電以風。禾盡偃。大

木斯

就中一片頑皮凍骨老石塊。勢若千百歲後突兀偃蹇角起相碰。

〔木華海賦〕岑嶺飛騰而反覆。五岳鼓舞而相碰。碰音堆。聚也。又以石投下也。

山人前身本在南嶽祝融峯下住。

〔按〕志。祝融峯。乃衡岳七十一峯最高者。記云。位直離宮。以配火德。乃祝融君遊息之所。

踏上天台石橋看瀑布。

〔天台縣志〕石橋

兩崖門立。橋橫亘其上。廣不盈咫。而山北左右肩有雙泉。飛流至橋。始伏。仍瀉爲瀑。可百餘尺。掛崖石間。〔天台記〕橋長七丈。北闊二尺。南闊七尺。龍形龜背。中有尖起丈餘。莓苔甚滑難度。

東峯月上學寫影。山精野魅。

哀號涕泣。愛惜枯樹帛。道猷拄杖。拄開蛇口。起不得。

〔避暑錄話〕道猷本姓馬。學於帛尺黎密爲帛。〔張存遊赤城記〕晉僧曇猷至臥佛岩。側有五百大神廟。甚靈。乃白蟒爲孽。將欲降之。

遇一老嫗問途。嫗畏神不敢言。師強之。嫗既語師。若陰被神投諸淵。師即飛錫救之。水立涸。因名其淵曰乾溪。及師至岩。晏坐次。神化猛虎向師不能害。又現白蟒。真形噬師。師即飛錫入蟒口。拄其颯齧。不得合。神降伏懺罪。自此人免蟒患。

蛟子龍孫盤

旋糾結。塞滿行路。硯泓一滴淡墨水。漲作玄雲黑雨。歸無處。槎槎牙牙。蒙蒙茸茸。蜻蜓翼薄。但如穀。

〔埤雅〕

蜻蜓飲露。六足四翼。其翅輕薄如蟬。

螳螂臂硬欲張弓。

〔又〕螳螂其臂如斧。奮之當轍不避。

盤根錯節。蝕倒千尋樗櫟。

〔爾雅注〕樹不叢生。根枝節目盤結。魄磊。〔莊子〕吾有大樹。人謂之

樗。其大本擁腫。而不中繩墨。小枝卷曲。而不中規矩。〔又〕匠石之齊。至于曲轅。見櫟杜樹。其大蔽牛。絜之百圍。其高臨山十仞。而後有枝。匠伯不顧曰。散木也。

麤枝大葉。蔽殺三尺蒿蓬。

〔詩〕食野之蒿。〔又〕彼茁者蓬。

〔爾雅〕翼蒿。今之青蒿。〔埤雅〕蓬蒿屬。

崑崙山前。回龍顧祖。有此勝絕景。視史天上天。光照著下土。境界缺缺鑿鑿。不辨西東。

〔西域記〕阿踰陀國城西南。有故伽藍。是阿僧伽菩薩諸益尊丸之處。無著菩薩夜昇觀。史天宮。於慈氏菩薩所受瑜伽師地等論。畫則下天。爲大眾講受妙理。

東海花仙笑。上面桑田海水。海水桑田。翻

翻覆覆。眼曾親見。

解見望馬秦諸山。

秦皇漢武。修宮廣室。盡寫巴蜀材。大如梁柱。小似薪樵。何嘗識遍。

〔史記〕始皇三十五年作阿

房宮。或作麗山。發北山石梓。乃寫蜀荆地材。皆至。關中計宮三百。關外四百餘。〔又〕武帝作建章宮。度爲千門萬戶。前殿度高未央。其東則鳳闕。高二十餘丈。其西則唐中數十里。虎圈。其北治大池。漸臺。高二十餘丈。名曰太液池。中有蓬萊。方丈。瀛洲。壺梁。象海中神山龜

魚之屬。其南有玉堂壁門大鳥之屬。乃立神明壺。并幹樓。度五十丈。輦道相屬。

帝令混沌七日死。

解見秦山高。

天下盲聾見草悅。見豺戰。

解見胡仲申至。

未問神龍有力

時飛入長安城中戴宮殿。

雙林寺觀傅大士頂相舍利及耕具故物

〔按〕志。寺在義烏縣南二十五里雲黃山下。梁普通元年。傅大士依雙檣木結菴。大同六年。即其地建寺。因名雙林。今屬浙江金華府。

仙釋志。傅大士名翁。字玄風。義烏人。因取魚。會嵩頭陀。曰。試自照水。適見圓光。寶蓋。即悟前因。因問修道之地。頭陀指山下雙檣木。曰。此可矣。因結菴。苦行七年。忽三佛來自東方。有金色自天而下。集於其身。從是身常出妙香。聞空中聲。傷武帝詔赴闕。

入重雲殿。不拜。竟登寶

榻。與帝問答。詔還山。

古稠大山趨古原。古寺突兀倚山根。小溪前流未及渡。白塔巖起高蹲蹲。傅公故宅奉香火。廈屋萬間周

四垣。梁朝到今數百載。兜率說法天中尊。

〔太平廣記〕唐則天時。有女人稱聖菩薩。人心所在。悉知之。請入宮。言皆驗。大安和尚曰。我心安在。曰。在塔頂頭輪相邊。復問曰。在兜率天彌勒宮中聽法。世

曾出世役妻子。家或魚扈隨犁犍。道冠儒履忽一變。胡膜梵唄爭駿犇。蕭衍老公坐玉殿。捨身建刹開祇

園。〔梁書〕高祖武帝。姓蕭名衍。齊疎族也。捨身。解見玻璃瓶子歌。

花幡亂飛欲滿席。拍板歌唱聞搥門。靈光靈異竟何有。仇啓怪神寧復言。

解見觀梁

藕絲袈裟上所賜。

廣韻袈裟。胡衣也。〔通鑑〕武后賜僧法朗等紫袈裟。

奇錦照耀扶桑暎。

扶桑暎。解見送鄭獻可。

龍宮四萬八千卷。寶藏

四公記。

一轉百鬼揪。咀多遺文白氈像。經律論疏洪其源。

〔法苑〕西方之有咀。猶東國之有讚。讚者從文以結章。短偈以流頌。比其事義名異實同。白氈解見題溫日觀葡萄。

黃羅

繡褥裹頂骨。舍利五色摩尼燉。

〔西域記〕摩訶菩提僧伽藍中有如來舍利。每歲至如來大神變月滿之日。出示衆人。〔圓覺經〕清淨摩尼寶珠。映於五土。隨方各現。

一牛眠雲已化石。

雙鶴覆雨仍軒騫。劫風吹地日漸壞。樓閣樹林無半存。青檮並聳碧宇上。落葉散到人家村。浮屠仁祠始

自漢。

〔後漢楚王英傳〕誦黃老之微言。尚浮屠之仁祠。

文闢華蓋何翻翻。

〔前漢東方朔傳〕狗馬被縶。〔注〕闢。織毛也。氈氈之屬。〔古今注〕華蓋。黃帝所作也。與蚩尤戰于涿鹿之上。常有五色雲氣。金枝玉葉。止于帝上。因

作華蓋。

梁時佞佛特太甚。宗祀斷血徒饕餮。

〔通鑑〕天監十六年四月。詔宗廟用牲牢。有累冥道。皆以麩爲之。於是朝夜諛譁。以宗廟去牲。乃是不復血食。梁主竟不從。

父兄子弟且

學佛。絕滅恩愛生讐冤。

〔通鑑〕梁中大同元年。以岳陽王詵都督雍梁益秦郢隨諸軍事。雍州刺史。詵好學善文。初。昭明之卒。梁主舍詵兄弟。而立綱爲太子。內常愧之。龍亞諸子。詵以兄弟不得爲嗣。常不平。又以梁主衰老。稅政有

敗亡之漸。遂蓄財交客。折節下之。俠勇多附。至數千人。

臺城蟲天或死守。

〔通鑑〕梁太清三年三月。侯景陷臺城。自稱大都督錄尚書事。梁主聞城已陷。安臥不動。嘆曰。自我得之。自我失之。亦復何恨。俄而景入。見於太極東堂。以甲士五百

人自衛。景稽顙殿下。不敢仰視。汗流被面。退謂王僧貴曰。吾嘗跨鞍對陳。矢刃交下。而意氣安緩。了無怖心。今見蕭公。使人自慙。豈非天威難犯。吾不可以再見之。是後梁主所求。多不遂志。飲食亦爲所裁節。憂憤成疾。五月丙辰。梁主臥淨居殿。口苦索蜜。不得。再曰。荷荷。遂

殂。虜騎乘釁。眞游魂。幸災樂禍卻圓視。入室操戈攻嚙吞。蠟鵝厭埋冢難遠。

〔通鑑〕梁中大通三年。太子統卒。統天性孝謹。在東宮。坐起恆西向。後

宮盛鮑邈之告厭禱事。太子終身慙憤。不能自明。至是年三十一卒。諡曰昭明。初太子葬母丁貴嬪。有道士云。此地不利長子。請厭之。乃爲蠟鵝及諸物埋于葬側。邈之有寵。晚而見疎。乃密啓梁主。掘得鵝物。大驚。將窮其事。徐勉固諫而止。但誅道士。

烏幔囚

辱兵氛昏。

〔通鑑〕梁元帝承聖二年十月。魏遣柱國于謹帥師會梁王督伐梁。十一月入江陵。梁主退保金城。遂白馬素衣出降。後梁王督使鐵騎擁之入宮。囚于烏幔之下。十二月。魏人殺梁主及愍懷太子元良等。

人天小果豈

不有。

〔傳燈錄〕達摩謂梁武帝曰。寫經度世。此但人天小果。有漏之因。

宇宙缺鑿疇能藩。一朝佛出救不得。滄海攪作黃河渾。傅公家居自天屬。

時復耕耨不憚煩。朝廷聰明願不及。塔廟湧出如雲屯。長于空迎佛爪髮。滿國欲飽民膏髓。羣僧無功併仰食。我佛獨不憂黎元。惜哉後王永不寤。前後喪亂同一轅。後民皈嚮復未已。拱手禮跪駢肩跟。咒口波

瀾豈祝蟬。

〔高僧傳〕安清。安息國王太子。出家修道。有神通。同學值施主不稱太子。輒懟恨。清與訣云。命過當受惡形。我得道。必相度。靈帝末。振錫江南。達那亭湖廟。廟神降以告。清曰。昔吾以瞋恚。故墮此神報。此身滅後。恐墮地獄。吾有絹千匹。并雜寶物。

可以立法營塔。使生善處。清曰。故來相度。何不出形。神從牀後出頭。乃是大蟬。清向之梵語。蟬悲淚如雨。乃取廟物。達豫章。爲造東寺。後暮。有少年跪清受咒。清曰。廟神得離惡形矣。

禪心寂寞猶拘猿。終然百欺幾一

遇世俗瑣瑣吾何論。

五洩東源有地度。可十數畝。後負山前。則石河如帶。幽篁深窈。蓋隱居學道者可築室。偶賦一詩。屬

陳彥正

越中五洩古名山。東源峻嶺空雲間。

五洩。解見遇仙記。東源。解見宋景濂鄭仲舒同遊五洩。

老石峻嶒欲見骨。天河瀉破莓苔灣。蛟龍

縮身似蜥蜴。魍魅出沒司神姦。雷公一聲忽下擊。鳥跡不到猶重關。清華仙真舊治所。碧落侍從登清班。

〔神仙傳〕沈義將飛昇。忽有白鹿青龍車。羽衣持節以青玉界丹玉版拜爲碧落侍郎。

穴疑綵狻據一柱。戶想銅獸銜雙環。鳳馭鸞鞭白羽瓘。〔瓘音貫〕說文玉名也。芝樓

菌閣朱莖股。

〔張衡南都賦〕芝房菌蠢生其隈。〔注〕菌蠢芝貌。〔說文〕菌地草也。音窘。〔九歌〕秋蘭兮青青。綠葉兮紫莖。〔論衡〕朱草之莖如鉞。莖音慳。〔說文〕草木榦也。股音煙。解見新得南海志。

梯梁未絕或可

值。洞府寢遠多愁顏。嚮曾褰衣得揭涉。別擬鑿徑通茅菅。寬弦頗占十數畝。負靜粗覺非人寰。澗流帶綰

玉繚繞。巒翠髻擁花爛熳。截斷塵埃與世隔。構成棟宇寧吾慳。陳君尋常有道力。況此跬步臨幽潺。虛室

光明白不動。

〔莊子〕虛室生白。

寶爐溫養丹將還。丈夫出處我已定。馳字早寄孤飛鷗。休拘崑崙併漲海。遇有勝處

同躋攀。

讀穆天子傳

我聞昔日穆天子。身騎八駿走萬里。左驂右服疾風起。參伯箇箇爲之使。

〔本傳〕穆天子命駕八駿之乘。右服驂騮而左騶耳。右驂驥而左白儀。天子

主車。造父爲御。箇箇爲右次車之乘。右服渠黃而左踰輪。右盜驪而左山子柏。天主車參伯爲御。奔戎爲右。箇音泰。箇音丙。

巨蒐鵠血飲至齒。

〔又〕至于巨蒐之人。彌乃獻白鵠之血以飲天子。

王母戴勝被奇

詭。解見讀漢武內傳。春山燭銀爛光燬。〔又〕南司赤水而北守春山之寶。赤水瑤池望盈咫。白雲歌謠樂忘死。〔又〕宿於崑崙之阿。赤水之陽。〔又〕天子觴西王母。

於瑤池之上。西王母為天子謠曰。白雲在天。山陵自出道里悠遠。山川間之。將子無死。尙能復來。解見病起。西極化人形。慮徙清都帝居騰。迺止。讀列子。日月河海眩遠邇。

變幻疾徐過一指。積蘇累塊慌下峙。宮室狐鳥饌螻蟻。解見射的。夢虛覺實知者幾。解見病起。跼天踏地焉可

恃。〔詩〕謂天蓋高不敢不跼。謂地蓋厚不敢不踏。嗟哉穆滿造厥理。詩人祈招著本紀。〔左傳〕周穆王欲肆其志。周行天下。將皆必有車轍馬迹焉。祭公謀父作祈招之詩。以正王心。曰。祈招之愔愔。式

昭德音。思我王度。式如玉。式如金。淫民之力。而無醉飽之心。〔史記〕封禪書。樂大數月。佩六印。貴震天下。而海上燕齊之間。莫不揜腕而自言有禁方。能神仙矣。目

熒耳聾狹聽視。聽音寧。解見聞胡汲仲先生沒。攻齧皮膚遺骨髓。蟠桃花開照海水。生不諧樂死空誅。〔本傳〕盛柏之子。天子賜之上姬之長。東狃於澤

中逢疾。疾。姬告病。天子憐之。西至於崇壁之臺。盛姬告病死。天子哀之。饗同。稟生受質鼻口耳。插牙戴髮肩股趾。織毛緝繡鬢片臬。鬢同。馳騁快意恣游

履。明瓊揄魚發笑喜。揄音吸。彈箏酌酒鏗角徵。天真自然絕增毀。上摩青冥蕩若砥。剛風倒景列星晷。剛風。解見泰山。

高。倒景。解見觀星君像圖。下臨厚壤壘若壘。桑麻冠帶際龍鬼。一身煢子等粟秕。四維上下劇迤邐。〔淮南子〕帝張四維運之以斗。圓居

繫處囚虜比束貧病縛動牽掎。蜚揚恨不鳥兩翅。蹠踏恨不百足豸。

〔列子〕若踏步蹠踏終日在地上行止。〔爾雅〕有足謂之蟲無足謂之豸。此

浮湛里閨曷時已。顧瞻形骸吁可鄙。我披我書我欲褫。思爲穆滿執鞭弭。

〔左傳〕晉侯曰左執鞭。弭右屬鑿韃以與君周旋。

泰山滄海

步我跬歲月邁矣我搏髀。游俠者非仙者是。流蕩忘返獨不恥。長筑化龍几化麋。

化龍解見觀景拄杖歌。〔神仙傳〕葛仙翁憑桐木几於

女儿山學數十年。登仙化爲白麋。三足時出於山上。麋音几。

芝草琅玕森茂藿。

芝草琅玕解見題紫芝圖。〔柳宗元記〕斫榛莽焚茅茷。茂音吠。〔左思吳都賦〕草則藿納豆蔻。〔說文〕藿霍本字音霍又音髓。

我來丹臺

述仙史。

丹山解見泰山高。

泛觀八極從此始。

八極解見黑海青歌。

滿天白日無塵滓。

烏震古錢

烏震何年自鑄錢。偏爐發冶光燭天。方圓肉好本不變。

〔前漢食貨志〕錢圓函方。輕重以銖。〔注〕外圓而內孔方也。肉好解見題承氏家藏古錢。

百萬戍卒橫

戈鋌。鎮州城南塵霧起。

鎮州今直隸眞定府。

雖有忠臣無孝子。殘膚毀鼻遣還軍。老母孱妻傾淚水。一時富貴千載

兇。募爲騎將空英雄。天子眞傳內藏竭。小臣別賜銅山銅。

〔史記〕漢文帝賜鄧通蜀嚴道銅山自鑄錢。鄧氏錢布天下。

似此頗期邦國活。卻

因貨利專生殺。但能擲地作金聲。九府終存太公法。

九府解見題承
氏家藏古錢

淵穎集卷九

歲初喜大人回自嶺南遂攜男諤北行送之二首

乍喜吾親返還攜稚子行風沙千里道雨露九重城

九重解見觀星君像圖杜審言詩還將萬億壽更謁九重城

舊帆江潮遠新裝嶺瘴清

〔番禺雜錄〕嶺外二三月為青草瘴四五月為黃梅瘴六七月為新水瘴八九月為黃茅瘴

長秋官屬盛

長秋解見早秋偶作

去可接簪纓

二

此去知何處飄然惜爾年塵飛馳馬埽雪擁讀書氈日觀躋攀外

日觀解見泰山高

雲臺獻納邊

〔後漢馬援傳〕顯宗圖畫建武中名臣

列將於雲臺以椒房故獨不及授

文園寧久病

〔史記〕司馬相如拜為孝文園令〔又〕相如口吃而善著書常有消渴疾

要奏上林篇

〔又〕蜀人揚得意為狗監侍上上讀子虛賦而善之曰朕獨不得與此人同時哉

得意曰臣邑人司馬相如自言為此賦上驚乃召問相如相如曰有是然此乃諸侯之事未足觀也請為天子遊獵賦賦成奏之其辭云亡是公口然而笑曰楚則失矣齊亦未為得也且夫齊楚之事又烏足道乎君未觀夫巨麗也獨不聞天子之上林乎

吉祥寺

一昔逢寒食。

〔荆楚歲時記〕去冬節一百五日有疾風甚雨謂之寒食。禁火三日。〔按〕歷合在清。明前二日亦有去冬至一百六日者。〔元稹詩〕初過寒食一百六。店舍無煙官樹綠。

行吟採物華。

〔滕王閣賦〕物華

天寶。〔王維詩〕爲乘陽氣。行時令不是宸遊玩物華。

風生敲檻竹。雨溼墮船花。曲塢青龍樹。

〔洞冥記〕元光元年。起壽福靈壇。闊百步。四周圍銅梁銀隄。水上列種垂龍之木。木似青梧。有朱露色如丹。

汁。酒其葉落地皆成珠。其株似龍體倒垂。亦曰傾虹樹。亦曰珠株樹。

長灘白鷺沙。

〔埤雅〕鷺步於淺水。好自低昂。〔李白送朱少府入三峽詩〕白鷺拳一足。月明秋水寒。人驚遠飛去。直向使君灘。

回看江上水。直去到吾家。

秋夜效梁簡文宮體二首

無奈涼夜永。起登樓上頭。鵲翻金殿宿。螢近玉階流。梧桐老葉恨。

〔古樂府〕梧宮秋。吳王愁。〔按〕吳王別館有梧桐成林。

芙蓉新蕊愁。

〔楚辭〕

采薜荔兮水中。搴芙蓉兮木末。心不同兮媒勞。恩不甚兮輕絕。

婕妤團扇上。那得不驚秋。

〔前漢外戚傳〕班婕妤扇詩曰。常恐秋節至。涼颼奪炎熱。弃捐箴笥中。恩情中斷絕。

曾是昔年寵。如今誰與同。秋獵長楊苑。

三輔黃圖長楊宮。在鞏屋縣。本秦舊宮。漢修飾以備行幸。宮中有垂楊數畝。因爲宮名。秦漢遊獵之所。揚雄有長楊賦。

夜幸猗蘭宮。

〔漢武故

事〕武帝以乙酉年七月七日誕生於猗蘭殿。景帝坐榮芳閣。見喜氣如林。來蔽戶。乃改閣爲猗蘭殿。

瓊杯香滋露。

〔曹植魏德論〕玄德洞幽。飛花上蒸。甘露以降。蜜澗水凝。觀陽弗晞。瓊爵是承。獻之帝朝。以明聖徵。

翠袖薄禁

風。〔杜甫詩〕天寒翠袖薄日暮倚修竹。將心與明月流入君帷中。

一笑

一笑長竿折徒憐大海魚。

〔解見〕夕泛海東。

文章猶醬瓿。

〔前漢揚雄傳〕雄著太玄經劉歆曰乃空自苦恐後人用覆醬瓿也。

塵土只鹽車。

〔戰國策〕汗明見春申君曰

夫驢之齒至矣服鹽車而上大行漉污灑地白汗交流中坂遷延負轅不能上伯樂遭之下車攀而哭之解紵衣而褫之驢於是悅而噴仰而鳴聲造於天仰見伯樂之知己也。

白日燕臺劍。

解見次韻姚思得。

清風禹穴書。

〔吳越春秋〕禹傷父功不成乃案黃帝中經見聖人所記曰在於九山東南曰天承山號委宛其岩之巔承以文玉覆以盤石其書命簡青玉爲字編以白銀皆琢其文禹乃東巡登衡山血白馬而祭之夢赤繡衣男子自稱支夷蒼水使者謂禹曰欲得我山書者齋於黃帝之宮禹乃退齋三日登委宛發石得金匱玉字之書言治水之要周行天下伯益記之爲山海經。

上林誰獻賦愁絕馬相如。

解見歲初喜大人回。

新得南海志觀宋季崖山事蹟

〔廣州志〕南海在府城南百里自古斗村出口即浩森無際東通閩浙南接島夷潮源於東南大洋地名佛堂門入惠州界虎頭甲子二門以達東莞之斜西海其南則入於崖

山其支分旁流則會於府城南〔新會縣志〕厓門山在大海中潮汐之所出入也高四十二丈周八十一里與奇山相對中有港門可以藏舟

故國今安在。新營忽此山。

〔宋史〕祥興元年帝舟遷於新會之厓山初張世傑以礪州不可居而厓山在海中勢頗寬廣中有一港其口如門可以藏舟乃形勝之地因奉帝移駐焉。

藩王收未燼。

〔按〕宋史

端宗是為度宗之長子。恭宗之庶兄。初封益王。恭帝既北行。陳宜中。張世傑等奉帝即位。改元景炎。封母弟廣王昺。為衛王。三年崩於硤州。羣臣多散去。陸秀夫曰。度宗皇帝一子尚在。將焉置之。古人有以一旅一成中興者。今百官有司皆具士卒數萬。天若未欲絕宋。此不可為國耶。乃與衆共立衛王昺為帝。**義將扞邊關。**〔宋史〕祥興二年。元張弘範襲厓山。張世傑力戰禦之。世傑有甥韓。在元師中。弘範三使韓招世傑。世傑不可曰。吾知降生且富貴。但義不可移耳。因歷數古忠臣以答之。**典禮存周**

法威儀復漢班。〔續通鑑〕時播越海濱。庶事疎略。每朝會。獨左丞相陸秀夫儼然正笏立。如治朝。或在行中。悽然泣下。與張世傑共秉政。外籌軍旅。內調工役。凡有述作。皆出其手。雖急遽流離中。猶日書大學章句以勸講。**開衙旗**

幟動結寨舳艫環。〔郭璞賦〕舳艫相屬。萬里連樑。〔注〕舳。船後持舵處。艫。船頭刺櫂處。**節制通江邏。**〔史記〕戍邏之卒。〔注〕遮也。巡也。**槍牌集洞蠻。**〔按〕續通鑑。德祐元年。勤王詔至

贛。文天祥捧之涕泣。乃發郡中豪傑。并結溪洞山蠻萬人入衛。**瀧濤多擊硤。**嶺嶠半榛管。置陣移官港。惟宮泊女灣。〔續通鑑〕張世傑奉帝移駐厓山。遣人入山伐木。造軍屋千間。行宮三十間。正殿曰慈元。以奉楊太妃。時官民兵二十餘萬。多居於舟。資糧取辦於廣右諸郡。〔按〕先生南海記。仙女灣在香山南海中。宋益王昺南遷。泊仙女灣。

狗流疑尾掃。〔按〕先生南海山水人物古蹟記。衛王昺南遷。結營厓山。天狗墮海。聲隆隆如雷。**龍殞莫髻攀。**解見泊道龍觀。〔填海錄〕景炎三年。端宗避元。舟次於碣州而崩。陸秀夫與張世傑復立帝昺。是日午登壇畢。還宮御輦所向。有龍祭空而上。身首角目俱全。暨入室。雲陰不見。**奠殯須求繼。馳驅獨**

任艱。搶攘殘戍屋。殺僂罄居闔。玳瑁洲仍隔。〔本草〕玳瑁生嶺南海畔。山水間。大如扇。似龜甲。中有文。〔瓊州府志〕崖州東南五十里有玳瑁欄。海邊有巨石數十丈。如屋。宋時陳明甫鑿石為欄。以

珊瑚島併跽。〔按〕志。廣州東莞縣有珊瑚洲。嘗有漁者網得珊瑚樹。**乾餐炷竈滅。**桂音威。〔說文〕行竈。〔爾雅疏〕無釜竈。

齒玳。〔宋史〕祥興二年。元張弘範以舟師據海口。〔宋史〕祥興二年。元張弘範以舟師據海口。

宋師樵汲道絕。兵士大困。張世傑帥衆。且夕大戰。弘範四分其軍。宋師南北受敵。諸軍大潰。會日暮。風雨昏霧四塞。咫尺不辨。世傑乃斷維以十六舟奪港而去。陸秀夫走帝舟。舟大。且諸舟環結。度不得走。乃先驅其妻子入海。即負帝同溺。後宮諸臣從死者甚衆。太妃楊氏撫膺大慟曰。我忍死間關至此者。正爲趙氏一塊肉耳。今無望矣。遂赴海死。世傑將趨安南。至平章山下。遇颶風大作。舟人欲嚮岸。世傑曰。無以爲也。爲我取瓣香來。至則仰天呼曰。我爲趙氏亦已至矣。一君亡。復立一君。今又亡。我未死者庶幾。敵兵退。立趙氏以存祀耳。今若此。豈天意耶。若天不欲我復存。趙祀則覆我舟。舟遂覆。世傑溺死焉。

道斷無前援。民哀有老鰥。颶掀雲赤暈。

〔左傳〕楚有雲如衆赤鳥。夾日以飛三日。楚子使問周太史曰。其當王身若禘之。可移於令。

尹司馬王曰。移腹心之疾。置之股肱。何益。弗祭而死。孔子聞之曰。昭王之不失國也宜哉。

鯨鬪雹朱殷。

〔左傳〕晉卻克傷於矢。流血及屢。未絕鼓音。曰。余病矣。張侯曰。自始合而矢貫余手及肘。余折以御。左輪朱殷。豈敢言病。吾子忍之。〔注〕朱血。

色久則殷。赤黑也。殷音煙。

大業從舟盡。元戎棄仗閑。炎丘朝服襲。貝闕御弓彎。

〔楚詞〕紫貝闕兮朱宮。〔注〕河伯所居。以紫貝作闕。

替僕隨冠冕。嬌

瓔泣劍環。馱鬣衝柵象。

〔前漢書〕匈奴奇畜有馱鬣。〔注〕師古曰。生七日而超其母。廣志作決蹄。

精衛避籠鷗。

〔山海經〕發鳩之山。有鳥名曰精衛。炎帝之少女。往遊於東海。溺而不返。常取西山之木石以

填東海。敗氣徒延喘。英颺欲起屣。一沈知有決。再縛懼何顏。

〔按〕續通鑑。先是德祐二年三月。元伯顏入臨安。以帝及皇太后全氏。福王與芮等北去。

去矣曾青

蓋。解見題侍女及汲圖。

行哉彼翠鬢。城危嗟唄鬧。

〔江南野錄〕李後主酷信浮圖。王師寇池州。令僧俗兵士念救苦觀世音菩薩。

井辱痛脂斑。

〔南史〕隋軍克臺城。貴妃與後主俱入井。隋軍出

之。晉王廣命斬於青溪中。〔南畿志〕景陽井在臺城內。陳後主與張麗華孔貴嬪投其中。以避隋兵。舊傳闕有石脉。以帛拭之作胭脂痕。名胭脂井。一名辱井。在法華寺。

出督空懸令。

〔宋史紀事本末〕開慶元年。蒙古兵圍鄂州。即拜賈似道右

丞相兼樞密使軍漢陽以援鄂蒙古攻城益急似道大懼乃密遣宋京詣蒙古營請稱臣納幣會
蒙古主計開而阿里不哥欲襲尊號乃許之似道遂匿議和諸事奏諸路大捷召入朝賞賜甚厚

迴軍卻算鏖

〔又〕賈似道忌諸將欲汚蔑置之罪乃

行打算法於諸路以軍興時支取官物為贓私於是趙夔史岩之杜庶皆坐侵盜掩匿罷而
向士璧曹世雄下獄死餒晉還〔書〕其罰百鏖〔注〕孔安國曰六兩曰鏖鏖黃鐵也

蜀瀘家失與襄漢國忘穢

〔宋史紀事本末〕

劉整為潼川安撫使以邊費為蜀帥僉興所持整素與興有隙自遣使訴于朝不得達心益疑懼遂籍瀘州十五郡戶三十萬降於蒙古
整驍將也蒙古既得整由是盡知國事虛實南伐之謀益決賂鄂守呂文德求置權場於樊城文德許之遂開權場外通五市內築堡壁

由是敵有所守以遏南北之援出兵哨掠襄樊城外兵勢益盛咸清七年五月蒙古詔諸道兵圍襄陽水陸並進鄒鼎出嘉定汪良臣出
重慶扎刺不花出瀘州所至順流縱筏斷浮橋獲將卒戰艦甚衆九年正月進攻樊城破外郭張弘範見阿朮曰襄在江南樊在江北我

陸攻樊則襄出舟師來救終不可取若截江道斷援兵水陸夾攻則樊破而襄亦下矣阿朮從之初襄樊兩城漢水出其間呂文煥置一
木江中鏗以鐵籠造浮橋以通援兵樊亦恃此以為固至是阿朮以機鋸斷木以斧斷纜燔其橋襄兵不能救乃以兵截江而出銳師薄

樊城城遂破呂文煥以襄陽叛降元纓疏官切刷平
聲閉門機也〔古法帖譜系〕淳化帖有銀錠痕

月照丹心苦風揚白骨頑謏儒輕戰勇

〔宋史紀事本略〕建炎四年張浚經略關陝開兀朮將至檄

召熙河劉錫秦鳳孫僊涇原劉錡環慶趙哲四經略及吳玠之兵合四十萬人馬七萬匹以錫為統帥迎敵決戰王彥諫曰陝西兵將上
下之情未通若不利則五路俱失不若且屯利闡興洋以固根本敵入境則檄五路之兵來援萬一不捷未大失也浚不從劉子羽亦力

言未可浚曰吾寧不知此顧東南事方急不得不為是爾吳玠郭浩皆曰敵鋒方銳宜各守要害須其弊而乘之亦不從遂次於富平縣
已而婁室引兵驟至錫等與之力戰劉錡身率將士薄敵陣殺獲頗多勝負未分而敵鐵騎出不意直擊趙哲軍哲部驚遁諸軍皆潰關

陝大震浚退保秦州自是關陝不可復論者咎浚之輕師失律〔禮〕
發慮慮求善良足以諷聞未足以動衆〔注〕言可以小致聲譽

穢史進降奸

〔宋史紀事本末〕元伯顏令程鵬飛取太皇太后手詔及三省樞密院吳堅賈餘慶等檄諭天下

州郡降附。執政皆署家。鉉翁獨不署。鵬飛命縛之。鉉翁曰。中書省無縛執政之理。歸私第以待命可也。〔北齊魏收傳〕收修魏書。以得楊休之助。謝曰。當爲卿作嘉傳。又納朱榮子金。故滅其惡。增其善。人號穢史。

或濟綺羅歸北府。疆理混南寰。毒浪悲潺內。煙氛蒼莽間。一時磨石處。萬里凱歌還。

〔名勝志〕厓門海旁有奇石。舊題云。元鎮國大將

軍張弘範滅宋於此。明成化二十二年。御史徐瑁削而改書曰。宋丞相陸秀夫死於此。

嚴陵應仲章自杭寄書至賦此答之

故舊何懸絕。閑居欲反招。

〔文選〕王康琚反招隱詩。小隱隱陵藪。大隱隱朝市。

幽并風雪緊。

〔禹貢〕冀州。〔晉書地理志〕冀州。其地有險有易。帝王所都。亂則冀安。弱則冀強。荒則冀豐。舜以南北關

大分衛以西爲並州。燕以北爲幽州。

楚越水雲遙。

〔前漢高帝紀〕項羽自立爲西楚霸王。〔注〕孟康曰。舊名江陵爲南楚。吳爲東楚。彭城爲西楚。〔通雅〕東楚。西楚。南楚。皆非宋之楚州。東楚今蘇州。西楚今徐州。南楚即今荊州府。〔吳越春秋〕

禹周行天下。還歸大越。〔按〕志。今浙江紹興府地。凡浙以東皆越境。

短褐緇塵破。

〔史記〕孟嘗君曰。君後宮蹈綺縠。而士不得短褐。〔陸機詩〕京洛多風塵。布衣化爲緇。

長鐔寶氣銷。

〔莊子〕天子之朝。周宋爲鐔。韓魏

爲夾。諸侯之劍。以忠聖士爲鏢。以豪傑士爲夾。〔杜甫詩〕卻假蘇張舌。高誇周宋鏢。鏢音尋。說文。劍鼻又音潭。〔博物志〕吳斗牛間。常有紫氣。張華以問豫章人雷煥。煥曰。寶劍之氣。上達於天。

門垣成隱逸。筆牘到畊樵。

逆旅呼燈夕。

〔左傳〕魏爲不道。保於逆旅。〔注〕逆旅。客舍也。

修闈徹棘朝。

〔五代史和凝傳〕凝知貢舉。是時進士多浮薄。喜爲諛譁。以動主司。每放榜。則圍之以棘。絕人出入。以爲常。凝徹棘開門。士皆肅然無譁。所取皆

一時之秀 **囊書題蒼藁**

〔癩真子錄〕唐史載鄭虔集當世事著書八十餘篇目其書為會粹老杜哀故著作郎台州司戶蔡陽鄭公虔詩云蒼藁何技癢今按韻略蒼馬外切如蒼兮蔚兮之蒼藁徂外切小也藁爾國之藁虔自謂其書雖多而皆碎

小之事後人乃誤呼為會粹意謂會取其純粹也失之遠矣

發論獻藁 〔詩〕詢于藁

舌焰真熏灼 曾兵劇鍛殺 〔注〕殺謂縫完之勿使斷毀也音聊

乘軒南國鶴

〔左傳〕狄人伐衛懿公好鶴鶴有乘軒者將戰國人受甲者皆曰使鶴鶴實有祿位予焉能戰

解鑿胡庭鵬

〔鷹賦〕結璇璣之金環〔注〕環即璇也。以條繫鷹足而繫之於鑿也〔玉篇〕鑿轉軸〔爾雅

翼〕鵬者鵠之類土黃色健飛擊沙漠空中盤旋無細不觀〔北史〕符秦權翼曰譬如緹鷹聞颺起常有凌霄之志

幹運天垂斗 蘭鶯海作潮 荃蘭騷地變

〔澧州志〕蘭江在州城東其地多蘭蕙楚詞

沅有芷兮澧有蘭故稱蘭浦又云捐予佩兮澧浦亦稱佩浦今屬湖廣岳州府

橘柚貢年凋 〔書〕揚州厥包橘柚錫貢

色采黃朱黻 〔莊子〕瞽者無以與乎青黃黼黻之觀

音聲徵角韶 潛身

甘蟄螻

〔爾雅〕螻尺螻〔注〕今蟬蟻或曰蟲屈伸而行者形小多足生桑上其長至尺行則屈腰使首尾相就陸佃云一名步屈〔易〕尺蠖之屈以求信也

賦命類茗鷄

〔說苑〕鷄鷄巢於葦若繫之以髮取茅秀為巢以麻紩

之如刺 巖然

筮仕龜無兆

〔周禮〕大卜掌三兆之法一玉兆二瓦兆三原兆〔注〕灼龜而占之象也玉兆鑿瑩如玉屬陽瓦兆暴裂如瓦屬陰原兆折裂如原田陰陽雜也〔又〕卜師掌開龜之四兆一方兆二功兆三義兆四弓兆〔注〕卜

師佐大卜者開龜者開龜之下體去其外甲存其下甲中有橫直之文者以下也下甲中有直文者所以分左右陰陽也橫有五文以分十二位者象五行也去其上下不可以為兆可開鑿而燠以為兆者上下各四也故曰四兆一說方者卜其行事之功者卜其可成之功義者卜其當為之事弓者取其張弛之象

〔又〕吉也卜者以求吉為主故以兆言吉 **攻經教有條** 秦灰完竹帛

〔前漢藝文志〕昔仲尼沒而微言絕七十子喪而大義乖故春秋分為五詩分為四易有數家之傳戰國從衡真

傷分爭諸子之言紛然殺亂至秦患之乃燔滅文章以愚黔首漢興改秦之敗大收篇籍廣開獻書之路竹帛解見樓彥珍北游

漢柏味筆瓢

〔漢書武帝贊〕帝能表章六經〔世說〕葛榮談尙玄遠〔注〕榮別傳曰榮常以子貢稱夫子之言

性與天道不可得而聞然則六籍雖存固聖人之糟粕能言者不能屈

畫品翎毛貴

〔畫譜〕唐崔白工畫雖以敗荷鳧雁得名然尤精花竹翎毛

雞場爪距驕

〔左傳〕季郈之雞鬪季氏介其雞郈氏爲之金距

文章

通政理道義勝官僚歲月嗟悠久湖江耐寂寥花濃攜酒榼柳霽賣餚簫

〔夢華錄〕寒食日都城賣稠餚〔麥糕詩〕簫管備舉〔箋〕簫編小竹管

如今賣餚者所吹〔宋祁詩〕簫聲吹暖賣餚天餚音唐又音尋

制虎搖金錯

〔西京雜記〕東海黃公能幻術制蛇虎佩赤金刃及衰飲酒過度遇白虎以赤金刀厭之遂爲虎所食〔古詩〕何以報之金錯刀〔注〕金錯云者乃錯文於器皿

之上而塗之金也〔按〕先生甫東記有黃公慕黃公赤刀厭虎厭不行爲虎所食者也

驅龍駕赭橋

解見次定海侯濤山

流連光景賞播蕩別離謠世笑烏非鵲

〔爾雅〕烏鵲醜其

掌縮〔注〕飛縮腳腹下〔埤雅〕今人聞鵲噪則喜聞烏噪則唾

吾憐狗續貂

〔晉書〕趙王倫篡位奴卒亦加爵位每朝貂蟬盈坐語曰貂不足狗尾續〔漢官儀注〕金取堅剛蟬取居高飲潔貂取內勁悍外溫潤

呼號三閉

璞解見得杭州書明同別

慷慨五陵鏢

〔前漢原涉傳〕〔注〕高帝長陵惠帝安陵景帝陽陵武帝茂陵昭帝平陵〔杜甫詩〕同學少年多不賤五陵裘馬自輕肥

落落山中桂叢叢澗底苗

〔左思詩〕鬱鬱澗松底離離山上苗以彼徑寸莖蔭此百尺條世胄躡高位英俊沈下僚地勢使之然由來非一朝金張籍舊業七葉珥漢貂馮公豈不倖白首不見招

依然百將略付與霍嫖姚

〔前漢書〕霍去病爲嫖姚校尉後拜驃騎大將軍

憶寄方子清時子清久留吳中

一別嗟何處。相思撫舊蹊。月明施瀨北。

〔寰宇記〕句踐索美女獻吳王。得諸暨賣薪女。鄭且西施。先習禮於土城山。山邊有石。是西施浣紗石。〔按〕志。今浙江紹興府諸暨縣有浣江。在縣南五十步。亦曰

浣浦。雲起蠡巖西。〔名勝志〕長山一名陶朱山。在諸暨縣西一里。南北長十餘里。高五十餘丈。其頂平博。有石室。可坐百人。北有威家嶺。亦曰七崗。以范蠡居山之南。有范蠡巖。鴟夷井。

跋涉舟車動。過從笈篋

攜鄰光因借燭。

〔前漢書〕匡衡勤學。鄰舍有燭穿壁引其光讀書。

道味肯吹盡。

〔唐書〕傅弈曰。蠶沸羹者。吹冷羹。傷弓之鳥。驚曲木。

好學螢分照。

〔晉書〕車僧家貧。以紗囊盛螢照書。

論交鴈擇栖。丘園心薜荔。海國氣鯨鯢。卷帙籤翻蠹。謳吟硯發鱗。

〔前漢郊祀志〕隕石二。黑如鱗。鱗音衣。〔說文〕小黑子。

經筵參老易。

樂府錄鏡聲。

鏡聲。解見夜觀古樂府。

治法推周稼。

〔周禮注〕種穀如嫁女。以有所生也。

瀟風仰漢綈。

〔前漢文帝紀〕身衣綈。綈。〔注〕弋。黑色也。綈。厚繒。

談玄知野馬。

〔晉書〕陸雲夜迷路。至一家寄宿。一年少美丰姿。共談老子。晉致深遠。向曉辭去。夜乃知王弼塚。自此談玄殊進。〔莊子〕野馬也。塵埃也。生物之以息相吹也。〔注〕野馬。日中遊氣。

考字守家雞。

解見戒珠寺。

土域標鞞象。

解見大食飯。

天圖辨輝鑑。

〔周禮〕春官。既視掌十輝之法。以觀妖祥。辨吉凶。三曰鑑。〔注〕日旁四面。反。向如輝狀。輝與暈通。日光氣。鑑音笑。

遺文多廢墜。妙契極端倪。獨樹盤桓

久。平蕪眺望低。霜林紅玳瑁。霧雨碧玻璃。屏跡依狐兔。銷愁對鷺鷥。塵書投梵夾。

〔唐書〕懿宗於禁中設講席。自唱經。手錄梵夾。

美

餉挈童鱸

〔詩〕童子佩鱸

榭葉時遮峒

榭音斛〔許〕渾詩〔古木高生榭〕

藤梢或纒谿

纒本字〔說文〕網也一日綰也涓上聲

龍居覲雪瀑

覲規去聲〔博雅〕視也〔埤

蒼〕眇視貌

虎路躡霞梯出入恆聯袂追隨幾杖藜竹山香嶺嶠花鳥繡湖隄尙義開疊始延儒振席齊生徒

修棗脯祭品授菹糲

〔周禮〕醢人掌四豆之實朝事之豆其實韭菹醯醢昌木糲糲菁菹鹿糲茆菹藥糲〔注〕有骨爲糲無骨爲醢糲讀若泥

錦石看還數蒼松倚卻題吾伊朝

屢集

〔黃庭堅歌〕南窗讀書聲吾伊北山見月歌竹枝

渾灝夜同稽

〔楊子〕虞夏之書渾渾爾商書灝灝爾周書噩噩爾〔禮〕儒有今人與居古人與稽

自謂莒爲歌

〔左傳〕王使周公閱來聘享有昌歌〔注〕

昌蒲菹也莒通作昌〔呂氏春秋〕文王好昌歌菹孔子聞之蹙額而食之三年然後美之歎音蠶上聲

人疑穀似稊中悵真抑鬱

〔詩〕中心悵悵

外物總筌蹄

〔莊子外物篇〕筌者所以在魚得魚而

忘荃蹄者所以在兔得兔而忘蹄言者所以在意得意而忘言

歲序空流邁濤波益慘悽故袍寒壁繭

〔史記〕須賈譖范雎於魏齊齊怒笞擊雎雎佯死變姓名曰張祿入秦秦王拜爲相後賈使秦雎微行

敝衣見賈賈驚曰范叔一寒如此哉取綈袍以賜之後知見賣肉袒謝罪雖曰汝得無死者以綈袍戀戀有故人之意耳

雄劍滑膏鵠

雄劍解見早秋偶作〔爾雅〕注〔鷓鴣似鳧而小青中整刀

綠暎牽帆水紅黏曳

屨泥娃宮釵鈿拾

〔吳郡志〕靈巖山在平江府城西吳王之別苑在焉有館娃宮〔唐書〕明皇幸華清貴妃兄錡國忠及三姊皆從別爲一隊五隊合爛若萬花遺鈿墮舄狼藉於道香聞數里

甫里筆牀齋

〔又〕陸龜

蒙字魯望寓居松江甫里每升舟輒束書茶籠筆牀鈿具自號天隨子江湖散人甫里先生以高士召不至〔樹萱錄〕南朝呼筆管爲牀又四管爲一牀

鶴市歌喉引

〔吳越春秋〕闔閭葬女令鶴舞於市萬人傳觀謂之鶴市〔按〕志在闔門

外。鱸鄉繪手挽。解見早秋偶作。撓音銳擊也。通作批。

吳趨誇粉黛。越產購珠犀。〔後漢書〕馬援征交趾。載薏苡歸人以爲明珠文犀。

富業連橙圃。蓄霖漬積

畦。〔左傳〕高辛氏有二子。閼伯實沈不相能也。日相征討。后帝遷閼伯於商丘主辰。商人是因。故辰爲商星。遷實沈於大夏主

畦。

畦。占歸仍浩渺。結客重酸嘶。彼此身如寄。參商夢欲迷。

〔後漢書〕馬援征交趾。載薏苡歸人以爲明珠文犀。〔左傳〕高辛氏有二子。閼伯實沈不相能也。日相征討。后帝遷閼伯於商丘主辰。商人是因。故辰爲商星。遷實沈於大夏主

參。唐人是因。以服事商。故參爲晉星。

蓬飛甘埽軌。

〔後漢杜密傳〕劉勝閉門埽軌。無所干及。〔注〕軌。車迹也。言絕人事。

桂落得通閨。

〔南部新書〕杭州靈隱山多桂寺。僧云是月中種

也。至今中秋夜。往往有子墜。〔謝朓詩〕既通金閨籍。〔前漢書〕詔令從官給事宮中者。得爲大父

母。父母兄弟通籍。〔注〕籍者。爲二尺竹牒。記其年紀名字物色。懸之宮門。案省相應。然後乃得入也。

俠眼收丹電。仙襟化素霓。

〔傅毅賦〕體如游龍。神如素霓。

貧期金埽聘。

〔晉書〕王濟買地爲馬埽。編錢滿之。時人謂爲金溝。

賤許玉階躋。

〔西京賦〕金卮玉階。

病矣長憂痼。閑哉敢恨睽。搗

除須爾鑷。

〔雲仙雜記〕王僧虔晚年惡白髮。一日對客。左右進銅鑷。僧虔曰。卻老先生至矣。庶幾乎

磨刮更予篋。

〔涅槃經〕如盲目人。爲治盲故。遣詣良醫。即以金篋刮其眼膜。

本欲希王貢。

〔前漢書〕王

吉與貢禹爲友。世稱王陽在位。貢公彈冠。言其取舍同也。

茲猶慕阮嵇。

〔世說〕嵇康。阮籍。阮咸等七人。常集於竹林之下。世謂之竹林七賢。

猖狂疏奏牘。軟弱謝畊犂。習靜求神悟。

超羣畏俗擠。清琴乘有鯉。

〔九域志〕宣州琴溪。即琴高控鯉之地。詳見參寥泉。

鉅弩蹠非躋。

〔三國魏杜襲傳〕千鈞之弩。不爲蹠鼠發機。〔史記〕蹠。勁弩。蹠。同蹠。音職。踐也。

教駕傳銜

轡。觀隅識撩枅。

〔楚辭〕桂棟兮蘭橈。撩音老。椽端橫木。枅音錐。〔說文〕屋櫨也。〔徐鉉曰〕柱上橫木承棟者。

鋤芝鰲受謫。

〔抱朴子〕蔡誕好道入山。不堪其苦而還。誑其家曰。吾爲地仙位卑。爲老君牧龍。因羣仙博

戲輸五色斑龍。緣此被

謫崑崙山下鋤芝草。

抱璞閉聞啼。

解見嚴陵應仲章書至。

性命緣窮鬼。功名屬嬖奚。悠悠鸞與鳳。泯泯鹿將麋。

〔宜驗記〕吳唐將兒出

獵射麋死。母驚悲鳴。又射殺之。又逢一鹿。將射。勿箭發。反激其子。唐抱

兒撫膺而哭。聞空中呼曰。吳唐之愛子。與鹿何異。唐驚聽。不知所在。

白谷今安駟。青霄古執珪。毋寧枉隱逸。辛苦等黔

黎。

去歲留杭德興傅子建夢得句云。鼉鼉滄海賦。龍馬赤文書。問以語子及其鄉人董與幾。山空歲晚

恍然有懷為續此詩卻寄董

觸目懷招陰。

解見早秋偶然作。

興歌託遂初。

〔晉書孫綽傳〕表曰。中宗飛龍。實賴長江。不然。江東為豺狼之場矣。因賦遂初。陳止足之道。

俗塵多汨沒。天籟幾吹噓。

〔莊子〕

汝聞人籟而未聞地籟。汝聞地籟而未聞天籟夫。〔注〕聲從所出曰籟。地籟有形而受。天籟無形而生。〔師氏曰〕風聲為天籟。水聲為地籟。笙竽為人籟。

晚景翻濛汜。秋潮洩尾閭。

解見拄杖歌。

祥雲旗鳳

鳥。〔陸機浮雲賦〕若層臺高觀。重樓疊閣。或如鐘首之鬱。乍似塞門之寥廓。龍逸蛟起。熊厲虎戰。鸞翔鳳翥。鴻驚鶴奮。〔李斯諫逐客書〕建翠鳳之旗。〔墨子〕天賜武王黃鳥之旗。

瘴雨弩鯨魚。

解見泰山高。

洒淚鮫

人室。解見夕泛海東。漂魂建木墟。

〔山海經〕郭璞建木贊。爰有建木。黃實紫柯。皮如蛇纒。葉有素羅。絕蔭弱水。異人則過。〔注〕木直上百仞無枝。

鼉鼉滄海賦。龍馬赤文書。

龍馬。解見送鄭獻可。

〔淮南子〕黃帝遊於洛。見鯉魚長三丈。青身無鱗。赤文成字。

上谷空豪舉。

〔史記〕趙攻燕。得上谷三十城。〔按〕志。今順天保定。河間等郡。〔又〕平原君之游。徒豪舉耳。不求士也。

西河久索居。

〔檀弓〕子夏喪其子。而

喪其明。曾子弔之。子夏曰：「天乎！余之無罪也。」曾子怒曰：「商，女何無罪也？吾與女事夫子於洙泗之間，退而老於西河之上，使西河之民疑女於夫子，爾罪一也。喪爾親，使民未有聞焉，爾罪二也。喪爾子，喪爾明，爾罪三也。而曰爾何無罪歟？子夏投其杖而拜曰：「吾過矣，吾過矣。吾離羣而索。」
蠻琛遺翡翠。〔詩〕懷彼淮夷，來獻其琛。
魯價掩瑤璣。〔逸論語〕瑤璣魯之寶也。詳見送鄭獻可。
遠矣鳴髀箭。〔前漢匈奴傳〕冒頓作鳴鏑。〔注〕髀箭也。
悠哉

薄笨車。〔世說〕李膺與郭林宗共載薄笨車，上大槐板，觀者數百人，引領望之，眇若松喬之在雲漢。
影搖青薜荔，光璨白芙蕖。自昔攻佔畢。〔學記〕今之教者，呻其佔畢。〔注〕佔視也。畢，簡也。

于今載耒耜，彈冠身有待。〔又〕韓非者，韓諸公子也，喜刑名法術之學，數以書諫韓宣彥昭。
鑄硯志非虛。〔解見送鄭浚常〕
蘇子從衡術。〔史記〕蘇秦者，雒陽人也，東事師於齊，而習之於鬼谷先生。〔注〕風俗通義曰：

鬼谷先生，六國時從橫家。
韓生內外儲。〔又〕韓非者，韓諸公子也，喜刑名法術之學，數以書諫韓王。韓王不能用，作孤憤、五蠹、內外儲、說林、說難十餘萬言。
乾坤瞻魏闕。〔莊子〕中山公子牟謂臆子曰：「身在江湖之上，心

在乎魏闕之下。〔說文〕闕，門觀也。〔爾雅〕觀謂之闕。〔注〕宮門雙闕。〔釋名〕闕在門兩旁，中央闕然為道也，以其懸法象，謂之象魏。象治象也。魏者狀巍然高大，令民觀之，故謂之觀。兩觀雙植，中不為門。爾雅疏：「觀與象魏，一物而三名也。〔南史何遜傳〕闕謂之象魏。象者，法也。」

日月夢周廬。〔張衡西京賦〕徹道外周，千廬內附，衛尉八屯，警夜巡晝。〔元史世祖紀〕至元二十八年二月，建宮城南面周廬，以居宿衛之士。
炫燿螭雕珮。〔蔡邕

天子廬，以玉螭虎紐，玉藻，古之君子，必佩玉，右徵角，左宮羽，佩或從玉。
躡躡隼建旗。〔周禮〕鳥隼為旗。〔注〕旗畫鳥隼，取擊捷也。
裂衣騰朔漠。〔晏子〕女子而男其飾者，裂其衣，斷其帶。
膠棹入黃

淤。〔前編〕周昭王巡狩返濟漢，漢濱人以膠膠船載之，至中流，膠液，王及祭公皆溺。
趙女絃鴻鵠。〔古詩〕燕趙多佳人，美者顏如玉，被服羅襪衣，當戶理清曲。〔前漢楊惲傳〕婦趙女也，雅善鼓瑟。
奚兒駕駢驢。

〔唐李賀傳〕從奚奴騎驅驢。
〔注〕似羸而小。驅渠上聲。驢音虛。

詞林應聘汝。

〔蕭嵩修國史制〕自非鈞深學海。囊括詞林。
盛周公之典謨。志仲尼之日月。何以纂取鴻業。

俠窟肯愁子。

解見秋
日雜詩。

結騎幽

并窄掄交楚越疎。

解見應仲章寄書〔山簡詩〕
舉鞭問葛疆。何似幽并兒。

奇功生鼎鼐。

〔鼎錄〕蕭何爲丞相。鑄一鼎大如三石甕。自表己功。其文曰。紀
功鼎。〔又〕王商爲單于長帝。令鑄鼎刻其功。以勸忠臣。〔詩〕

鼎鼐
及薰。猛氣死籛條。

〔詩〕籛條不鮮。〔注〕籛條。本竹席之名。人或編以爲困。其狀如人之
擁腫而不能俯者。因以名疾也。〔晉語〕籛條不能使俯。威施不能使仰。

藥物金鷄採。

〔李白詩〕時餐金
鷄藥。屢讀古苔篇。

兵鈴赤鯉魚。

〔列仙傳〕呂尙釣於磻溪。三年不
得魚。已而獲大鯉。得兵鈴於魚腹中。

中條分雍豫。

〔禹貢〕荊河惟豫州。〔又〕黑水西河惟雍州。〔按〕志。雍
今河南省。雍今陝西省。〔又按〕吳澄云。崑崙爲西極之祖。分

派三幹。以入中國。蓋以長江與南海夾南條大幹。盡於東南海。黃河與大江
夾中條大幹。盡於東海。黃河與鴨綠江夾北條大幹。盡於遼東。爲三條。

四序出堪輿。

〔九辯〕皇天平分四時兮。〔漢藝文志〕
堪輿金匱十四卷。〔注〕堪。天道。輿。地道。

小榻琴心展。

〔黃庭內景玉篇〕琴心三疊。舞胎仙。〔注〕琴。和也。疊。積也。一唱三和。琴心以三疊言之。三
丹田之氣也。胎仙者。有炁無質。舞亦和樂也。梁丘子曰。存三丹田。使利樂如一。則胎仙可致也。

長纓劍膽舒。

〔前
漢終

軍傳〕軍自請願受長纓。
必羈南越王而致之闕下。

按圖稽獬豸。

〔說文〕獬廌。獸一角。古者決訟。令觸不直。〔唐書〕侯思正求爲
御史。武后曰。卿不識字。豈堪御史。對曰。獬廌何嘗識字。但能觸邪耳。

觸酒笑鷓鴣。

〔莊
子〕

昔者有鳥止於魯郊。魯侯悅之。爲其太宰以饗之。奏九韶以樂之。鳥乃始
憂悲眩視。不敢飲食。〔按〕國語。海鳥曰爰居。止於魯東門之外。一日。

野屐偏求蠟。

〔晉書阮籍傳〕或有詣阮孚。見孚正自
蠟屐。因自嘆曰。未知一生當着幾緞屐。

山

巾尙著練。

〔晉書王導傳〕時帑藏空竭。庫中惟有練數千端。嚮之不售。而國用不給。導患之。乃與朝賢俱制練布單衣。於是士人翕
然競服之。練遂賤貴。〔類篇〕練。綵屬。〔玉篇〕紡。蠶絲。〔按〕韻瑞韻略等書。皆引禰衡著練巾。而後漢書練作疎。或是

傳寫之誤。不可考耳。貧猶思祿士。老不廢耕畬。易不耕種。不畜畬。卓踔才終用。韓文序汗瀾。卓踔猶法澄深。猖狂習未除。文章同一默。子荷

言不如默。黃庭堅集歲月或三餘。魏略董遇言學者當以三餘或問三餘之義。遇曰冬者歲之餘。夜者日之餘。陰雨月之餘。策竹登玄圃。玄圃解見望馬。秦桃花諸山。然藜問

石渠。然藜解見太一真人畫軸。三輔黃圖石渠閣。蕭何造其下。礪石爲渠。以導水。因名。以藏入關以來所得秦之圖籍。至於成帝。又於此藏祕書焉。定須追樂毅。史記樂毅趙人去趙適魏。使於燕。燕昭王以爲亞卿。將兵伐齊。報仇。

封昌國君。昭王死。惠王得齊反間。疑之。樂毅畏誅。遂西降趙。號望諸君。卒於趙。端爲謝曹蜎。世說庾道季云。廉頗。藺相如。雖千載上死人。懷懷恆如有生氣。曹蜎。李志雖見在。厭厭如九泉下人。人皆如此。便可結繩而治。但恐狐狸猶猶噉盡。

寄張子長

世豈無推挽。左傳衛獻公出奔。子鮮見臧紇。臧紇謂其人曰。衛君必入。夫二子者。或推之。或挽之。欲無入得乎。人誰有典刑。詩雖無老成人。尙有典刑。稍懷南國彥。後漢書

瓊卒。徐裨往弔。進酌哀哭。置生芻墓前。而按南齊周顒嘗隱於北山。應詔出爲海鹽令。後更欲適北山。孔稚圭乃假山靈之意。作北山移文以譏之。其文曰。鍾山之英。草堂之靈。馳烟驛路。勒恆愧北山靈。

移山庭云云。然稚圭後亦爲顯宦。萬里麻衣敝。解見得杭州書。千年竹簡青。後漢吳祐傳殺青簡以寫書。義文先索象。易本義素求也。謂撰著以求爻也。魯頌或歌駟。

馬在垆之野。杞梓儒林挺。杞梓解見送鄭彥貞叔姪。北史高允謂常爽曰。文翁魚龍俠窟鮓。俠窟解見秋日雜詩。鮓音星。說文魚臬也。塵

埃完結緣。

〔史記〕范睢曰：臣聞周有砥礪，宋有結緣，梁有懸黎，楚有和朴，此四寶者，土之所生，良工之所失也，而為天下名器。

粉黛飾娉婷。

〔韓愈文〕粉白黛綠者，列星而閒居。〔陳無已詩〕當年不嫁惜娉婷，傅粉施朱學後

生，不惜捲簾通一顧。

脫略蘇張穿。

〔史記〕魏人張儀與蘇秦俱事鬼谷先生學術。

漸摩管樂劖。

〔蜀志〕諸葛亮自比於管仲樂毅。

道途餘雪屨，巖穴但雲扃。

本擬陳三策。

〔前漢書〕詔舉賢良方正直言極諫之士，董仲舒應詔，陳天人三策。

吁嗟守一經。

〔前漢書〕遺子黃金滿籥，不如教子一經。

地卑淪燕雀。

〔前漢陳涉傳〕燕雀安知鴻鵠之志。

跡遠及猿狖。

〔左思吳都賦〕彈鸞京射，採狖，猿音鏡，狖音亭，爰屬。

種菊行荒埭，看松俯絕陁。

〔陶潛辭〕三徑就荒，松菊猶存。

仙棋閑度日。

〔述異記〕信安郡石室

童子指謂之曰：汝斧柯爛矣，質歸鄉里，無復當時之人。〔許渾詩〕世間甲子須臾事，逢看仙人莫看棋。

旅劍懶占星。

解見送，鄉獻可，故

里青桐巷，雙溪白鷺汀，交游多握手，歲月此忘形，志氣需來哲，才華壓妙齡，秦坑收末燼。

〔史記〕秦始皇惡諸生，或為詆言。

以亂黔首，使御史按問之，諸生傳相告引，乃自除，犯禁者四百六十餘人，皆坑之咸陽，末燼，解見觀秦丞相碑。

漢粕浸奇馨。

漢粕，解見應仲章書至。

正器陳籩豆，專門識鼎錙。

〔周禮〕祭祀共大羹，錙

羹，〔注〕羹加五味，盛以銅器，故曰錙羹。

犇騰鞭用駿。

解見送，俞子琦。

祖謁割分腥。

〔禮〕食三老五更於太學，天子祖而割牲執醬而饋，執爵而饋。

卓立撐喬嶽，孤流混濁涇。

〔詩〕涇以渭濁。

鵲飛持或布。

〔臨海記〕那西有白鵲山，相傳此山有鵲，飛入會稽郡雷門鼓中，打鼓，聲開洛陽，後逆賊孫恩斫破此鼓，見一白鵲飛出，鵲或作鶴，此作鵲。〔前漢書〕王尊曰：毋持布鼓過雷門。

鯨吼

扣非莛。〔東都賦〕發鯨魚銜華鐘。〔注〕海鳥有大獸名蒲牢。蒲牢畏鯨魚。鯨魚一擊。蒲牢輒大吼。凡鐘欲令聲大。故作蒲牢於上。所擊者為鯨魚之狀。莛。解見觀致日經。

別袂逢秋怯。鄰燈入夜燐。句解見憶

寄方沈沈猶在野。憲憲欲揚廷。〔易〕揚子王廷。舜殿瞻儀鳳。〔書〕簫韶九成。鳳凰來儀。堯階數歷莫。解見觀致日經。螭均文錦褥。〔會要〕

漢柏梁殿災。越巫言海中有魚。孔尾似螭。激浪則降雨。遂作像於屋。以厭火災。螭或作鴟。〔百官志〕起居郎舍人分侍左右。夾香案。分立殿下。直第二螭首。和墨濡筆。皆即均處。時號螭頭。〔攬轡錄〕入嘉會門。至幕次。黑布拂廬。侍班有頃。入宣明門。至仁政殿。下圍風大。花甃可獸闔紫金釘。獸闔。解見送宜彥昭。〔大金國志〕宮城四圍。凡九里三十步。自天津橋之北。曰宣陽門。內城之南門也。中門繪龍。兩偏繪鳳。用金釘釘之。上有重樓。制度宏大。三門並立。中門惟車駕出入。乃開。兩邊分雙。隻日開一門。

列徼環霄漢。〔前漢百官表〕中尉秦官。掌徼京師。〔注〕徼。謂遮繞也。〔按〕王宮之邊曰徼。〔西京賦〕徼道外。周子盧內附。游車發震霆。〔司馬相如賦〕前皮軒。後道游。〔注〕天子出道軍五乘。游車九乘。在乘輿之前。

紉書官命史。〔前漢書〕司馬遷。龍門人。為太史。紉金匱石室之書。紉音抽。吹律樂求伶。解見昭華瑄歌。迅奮君須覓。栖遲我未寧。簷風欹警枕。〔范祖禹集〕

司馬溫公以圓木為警枕。少睡則枕轉而覺。乃起讀書。井雨泣羸餓。〔易〕汔至亦未繙井。其瓶凶。古陌垂楊柳。空山老茯苓。句解見夜讀參同契。只今馳尺楮。〔史記〕廣武君曰。

奉一介咫。何所問南溟。〔莊子〕南冥者。天池也。溟。通作冥。

哭妙觀上人

試續高僧傳

〔文獻通考〕高僧傳六卷。蕭梁會稽嘉祥沙門惠敏撰。分譯經義。解兩門。又高僧傳十四卷。蕭梁僧釋惠皎。以劉義宣靈驗記。陶潛搜神錄等數十家。並書諸僧殊疏略。乃博采諸書。咨訪故老。起於永平。終於天監。分爲十科。之人

又寂寥降婁星野近

〔初學記〕周官天星。皆有州國分野。角亢氐。兖州。房心。豫州。尾箕。幽州。斗牽牛。婺女。揚州。虛危。青州。營室。東壁。井州。奎婁。胃。徐州。昴畢。冀州。觜。螭參。益州。東井。鬼。雍州。柳。七星。張。三河。翌。軫。荊州。〔爾雅〕降婁。奎婁也。

印度雪山遙

〔按〕先生釋迦方域志後序云。印度天竺之梵言。猶捐毒也。〔廣志〕西域有白山。通歲有雪。亦名雪山。

頗憶連牀夜

〔韋應物詩〕寧知風雨夜。復此對牀眠。

相逢補衲朝

〔智度論〕五

比丘曰。佛當着何等衣。佛言。應著納衣。〔廣韻〕補納。絁也。

名詮披梵皮

梵。解見憶寄方子。清皮音詭。閣也。

妙趣挹詩瓢

〔詩語〕唐求好吟咏。燃藁爲丸。貯大瓢中。臨卒投瓢江中。自言苟不沈沒得之者。方知苦心耳。流

至新渠。有識者取之曰。唐山人詩瓢也。詩途傳。

鹿苑千年振

〔白帖〕鹿苑。佛成道處。

龍宮一念超

龍宮。解見江南曲。

舐斷看上界

舐。音士。〔說文〕以舌取物也。斷音垠。〔又〕齒本也。〔維摩經〕

汝往上方界。分度四十二恆河沙佛土。

收涕隱南條

南條。解見去歲留杭。

玉塵懸青壁

〔世說〕王夷甫執玉柄。靈尾。與于都無分別。〔晉書〕宋纖。少有遠操。太守馬岌造焉。纖拒不見。岌銘詩石壁曰。丹崖百丈。青壁萬尋。

奇木蒼鬱。蔚若鄧林。其人如玉。維國之琛。室邇人遐。實勞我心。

金環攬素潮

〔初學記〕梁景泰禪師居忠州寶積寺。無水。師卓錫於地。泉湧數尺。〔按〕錫杖有金環。振之作錫錚聲。

松花香雨熟。柏子縷烟

消入觀占流注。持齋洗血膏

〔詩〕取其血膏。

慧刀中寶劍

〔金光明經〕以智慧劍。破除煩惱城。

禪樂裏雲韶

〔因果經〕無量諸天。作諸伎樂。燒衆名香。散天妙華。隨菩薩

滿虛空中。放大光明。普照十方。

日月連珠轉

〔蓮社高賢傳〕釋惠安。患山中無漏。乃於水上立十二葉芙蓉。因波隨轉。分定晝夜。以爲行道之節。謂之蓮漏。〔前漢律歷志〕日月如合璧。五星如連珠。

塵埃氎像飄

解見題溫

日觀 葡萄 交參秦嶺屐

〔史記〕秦嶺天下之大阻也。〔三秦記〕秦嶺東起商洛西盡汧隴東西八百里

夢壓楚江橈

〔徐鉉注〕江出岷山至楚都名南江

策竹曾幽石煎茶或墮

樵〔蘇軾詩〕雪中拾墮樵

病從天海窄愁向歲寒凋古澗猶泉水荒園但藥苗黔婁衾不足

〔魯史〕黔婁死曾子與門人往弔之被覆尸手足不盡斂曾

子曰斜引其被則斂矣妻曰斜而有餘不若正而不足也

靈運笠空挑

〔世說〕謝靈運好戴曲柄笠

土淨隨心得

〔高僧傳〕惠遠居廬山東林寺與劉遺民等十八賢同修淨土中有蓮池因名蓮社以書招陶淵明淵明曰

若許飲酒即往師許之遂造焉既而無酒陶攬眉而去謝靈運求人社師以其心雜止之詩云陶令醉多招不得謝公心亂去還來

池灰付劫燒

〔志怪〕漢武作昆明池見灰墨無復土舉朝不解以問東方朔朔曰可試問西域胡至後漢明帝時外

國道人入洛陽有憶朔言者以問之胡曰天地大劫將盡則劫燒此劫燒之餘也

斷磚開士塔

〔法苑珠林〕開士應真導揚未教陸游曰予以事至松浦過松林甚茂問馭卒何處答曰師塔也蓋謂僧所葬之塔

飛瀑應真橋

〔廬山記〕南北有瀑布無慮十餘處香爐峯與雙劍峯在瀑布之旁水源在山頂曰或西爲康王谷水簾東爲開元禪院之瀑布〔孫綽天台賦〕應真飛錫以躡虛〔注〕應真謂羅漢也

已矣成長往悲哉擬大招

〔楚辭〕大

招不知何人所作或曰屈原或曰景差〔按〕大招與宋玉招魂詞意略同

向來吟息處秋氣日蕭蕭

寄柳博士

試讀儒林傳南州定幾人

〔南州〕解見寄張子長〔按〕志今江西南昌府

清標騰鳳翼素手截鯨鱗卓犖初觀國

〔易〕觀國之光利用賓于王

軒騰早

致身燕秦爭騁俠，鄒魯共稱醜。〔史記〕鄒魯之間，其文學亦天性也。旅劍渾如淬，解見夕泛海東。家鼐在一振，解見至杭開胡波仲沒。於焉徵有

道。〔續漢書〕郭泰字林宗，初以有道徵，泰曰：吾觀乾象人事，天之所廢不可支也，遂辭以疾。自此教成均，解見寒夜懷吳伯雍。學術諸生識，才名六館親。〔吳澄集〕至元二十四年設國子監，前

以公聚，後以燕處，旁有東西夾，夾之東西各一堂，以居博士，東堂之東，西堂之西，有庫庫之前，為六館，東西向，以居弟子員。土林然燭夜，茸帳結餐晨，上下笙鏞間，〔書〕笙鏞以間。縱橫俎

豆陳，岐原周鼓老。〔集古錄〕岐陽石鼓，初不見稱於前世，至唐人始盛稱之，而韋應物以為周文王之鼓，至宣王刻詩，韓退之直以為宣王之鼓，至今鳳翔孔子廟中，鼓有十，先時散棄於野，鄭餘慶始置於廟，而亡其一，皇祐四年，向傳師求於

民間得之，乃足，其文可見者，四百六十五，磨滅者過半，〔元和郡縣志〕石鼓文在天興縣南二十里許，石形如鼓，其數有十，蓋記周宣王收獵之事，其文即史籀之迹，〔春明夢餘錄〕靖康之亂，金人取石鼓及蘭亭，鈇重輶輦致燕，石鼓在國學，而蘭亭不知所在矣，〔元

史〕皇慶元年二月朔，徙大都路學所置周宣王石鼓於國子監。闕里魏碑真，〔集古錄〕孔廟碑，隋唐以來不可勝記，今有漢魏碑各一，及唐張季珪八分書碑，漢碑為中郎將蔡邕撰，魏碑為陳思王曹植撰，唐碑為李邕撰，餘皆殘缺。白

日需前席，〔前漢賈誼傳〕上因感鬼神事，而問鬼神之本，誼具道所以然之故，至夜半文帝前席。青雲仰後塵，山林稽猛駁，駁，解見送鄭彥貞叔姪。文字到祥麟，〔左傳〕

年春，西狩于大野，叔孫氏之車子鉏商獲麟，以為不祥，以賜虞人，仲尼觀之，曰：麟也，然後取之，又詳見送鄭獻可。豈獨呻佔畢，解見去歲留杭。猶應逐縉紳，〔前漢司馬相如傳〕者，老夫，縉紳先生之徒。討論

抽祕典，扈從得良臣，絕漠幽州暗，〔北邊備對〕大漠，漢趙信降匈奴，與之畫謀，令遠度幕北，以要疲漢軍，故武帝必欲越漠征之，而大漠之名始通中國，幕者，漠也，言沙磧廣莫，望之漠漠然也，幽州，解見嚴陵應仲章

滄波碣石鄰。解見觀秦丞相碑。鸞旗飛旖旎。〔詩〕其旂旒。鸞聲噦噦。革路壓輪囷。〔周禮〕巾車掌王之五路。玉路以祀。金路以賓。同姓以封。象路以朝。異姓以封。革路以即戎。以封四衛。木路

以田。以封蕃國。又詳見觀鹵簿圖。御苑材宮集。〔前漢〕周勃傳。材官引強。離宮突騎巡。〔又枚乘傳〕修治上林。雜以離宮突騎。解見畫馬行。赤狐翻遠譯。〔詩〕莫赤匪狐。黃鼠

割時珍。〔霏雪錄〕北方黃鼠。味極肥美。元朝恆為玉食之獻。〔古今詩話〕刁約使契丹詩。押燕移離畢。看房賀跋支。踐行三匹製。密賜十貔狸。移離畢。官名。如中國執政官。賀跋支。如執房閣。匹製。小木器。以色稜木為之。如黃漆。貔狸如鼠。而大。契丹以為珍

膳。〔齊東野語〕契丹國產大鼠。曰叱狸。極肥。其國以為殊味。穴地取之。以為國王之膳。自公相以下。皆不得嘗。法酒葡萄熟。解見荔枝行。天花芍藥春。〔雜摩經〕會中有一天女。以天

開元中。禁中初重木芍藥。即今牡丹也。得四本。紅。紫。淺紅。通白者。上。因移植於興慶池。東沈香亭前。會花方繁開。上乘月夜賞玩。宣取翰林學士李白酒。進清平調三章。

東都或對賓。〔班固西都賦〕有西都賓。問於東都主人曰。蓋聞皇漢之初。經營也。嘗有意於都河洛矣。輟而弗康。實用西遷。作我上都。主人聞其故。而睹其制乎。〔東都賦〕東都主人喟然而嘆曰。痛乎風俗之移人也。子秦人。烏睹大漢之云為乎。

三關寧設險。〔元志〕燕有三關。曰松亭關。曰古北口。曰居庸關。周世宗一日下三關。則益津關。瓦橋關。淤口關。八極總歸仁。八極。解見黑海青。悵望懷今古。廣歌邁等倫。〔書〕乃賡

載歌曰。元首明哉。股肱良哉。庶事康哉。短衣曾見寵。〔前漢〕貢禹傳。短衣不完。短音短。長缺每忘貧。〔史記〕馮驩彈其劍而謂曰。長缺歸來乎。共往仍聯駟。〔家語〕子貢結駟聯駟。同

吟更接茵。〔晉書〕夏侯湛與潘岳交善。每行止。同輿接茵。人謂之連璧。玉山森巨石。〔南濠集〕玉泉山。金章宗建行宮。今廢。山之北麓。鑿石為螭頭。泉從螭口出。潄而為池。在今城西四十里。金水濯芳津。

金水解見

送俞子琦

本擬追枚乘

解見樓彥珍北游

終然愧卻詵

〔晉書〕詵字廣基博學多才瓌璋個儻泰始中以對策上第拜議郎對武帝曰臣舉賢良對策第一猶桂林之一枝崑山之片玉

鹿鳴來

已再

〔左傳〕鹿鳴天子所以享嘉賓也〔韓愈文〕君之始冠舉於其鄉歌鹿鳴而來也

鵬擊去何因

〔莊子〕鵬之徙於南冥也水擊三千里搏扶搖而上者九萬里去以六月息者也

色挺淮王桂

解見雲門紀行

香生楚客蘋

解見秋日雜詩

聖朝初薦士江漢有垂綸

〔後漢書〕嚴光字子陵會稽餘姚人少與光武同遊學及光武即位光乃變姓名隱身不見帝令物色訪之後齊國上言有一男子披羊裘釣澤中乃

遣使聘之三

返而後至